

## **Naqqiut**

Ilanggussaq 2-imut 10. august 2016-imeersumut taartaasoq

*(§-imut innersuunneqartunut innersuussissutini iluarsiissuteqartoqarpoq aamma inatsisinut innersuussinerni ilanggussami tamani, taammalilluni innersuussinerit ilanggussamut danskisuumut naapertuuttunngorlugit)*

## **Ilanggussaq 2**

Erhvervsstyrelsi

### **Ukiumoortumik naatsorsuusiortarnermik inatsisip allangortinnerani inatsisini assigiinngitsuni aalajangersakkat aalajangersimasut Kalaallit Nunaannut atortuulersinneqarnerannik peqqussutissamut siunersuummut missiliuut-mi**

pingaarnersiuineq

#### **Imarisaasa nalunaarsornerat**

1. Siulequt
2. Naatsorsuusiortarneq pillugu inatsimmut tunngasut tamanut attuutut taakkunungalu allannguutit
  - 2.1. Suliffeqarfiit ukiumoortumik naatsorsuusiortarneranni pineqartut
  - 2.2. Ukiumoortumik naatsorsuusiortarnermik inatsisip ilusilersornera ("katitertakkatut ilusiliineq")
  - 2.3. Ukiumoortumik naatsorsuusiortarnermik inatsimmut allannguutit tamanut tunngasut peqqussutip Kalaallit Nunaanni atortuulersinnerata kingornagut
3. Ukiumoortumik naatsorsuusiortarnermik inatsimmi allannguutit pingaarnerusut Kalaallit Nunaanni suliffiutilinnut malittarisassanut maannamut atuuttunut naleqqiullugit
  - 3.1. Suliffiutillit mikisut (naatsorsuusiortarnermi immikkoorut B) aamma suliffiutillit akunnattumik angissusillit naatsorsuusiortarnermi immikkoorut C
  - 3.2. Naatsorsuisarnermi periaatsimut allannguut suliffiutillit mikissusiannik, akunnattumik angissusiannik imalunniit angisuutut angissusianik nalunaarnermi
  - 3.3. Ingerlatsivinnut ingerlatsivittut naatsorsuutininik suliaqarnissamut pisussaataaangitsunut (ingerlatsiviit mikisut) angissutsimut killigititanik qaffaaneq
  - 3.4. Andelinik piginneqatigiiffinnut mikisunut killilimmik akisussaaffilinnut il.il. naatsorsuutininik suliaqarnissamut pisussaataaangitsunut angissutsimut killigititanik qaffaaneq
  - 3.5. Kukkunersuiarnermut malittarisassanik allannguutit
  - 3.6. Suliffiutilinnut aalajangersimasunut ataasiinnarmik aqutsisulinnut (naatsorsuusiortarnermi immikkoorut B aamma C) aqutsisutut atsiuisarnissamik piunasaqaammik atuukkunnaarsitsineq

---

Erhvervs- og Vækstmin.,  
Erhvervsstyrelsen, j.nr. 2015-13785

- 3.7. Suliffiutilinnut allanit pigineqartunut (suliffiutillit akunnattumik angissusillit naatsorsuusiortarnermi immikkoorut C)
- 3.8. Aktianik pigineqatigiiffinnut naalagaaffimmit pigineqartunut suliffiutitut pigineqartunut naatsorsuusiortartussaannermik annikillilerineq
- 3.9. Suliffiutilinnut suliffiutunik piginnittuusunut pappiaranik nalilinnik niuerfimmut nalunaarsimasunut nunani tamani naatsorsuusiortarnermik piumasaasut tunngavigalugit ingerlatsivimmi naatsorsuusiortartunut naatsorsuusiortartussaannermik IFRS annikillilerineq
- 3.10. Ukiumoortumik nalunaarutit tuluttut oqaasertallit
- 3.11. Naatsorsuutini nalunaakkanik ivertiterinermut nalilersuinernullu tunngasunik (nalinginik ivertiterineq) allannguinerit
- 3.12. Ukiumoortumik naatsorsuutunik aqutsisut nalunaarutaannik oqaaseqaatinillu paasissutissiisar-nissat pillugit piumasaqaatinik annikillilerineq
- 3.13. Ingerlatsivittut naatsorsuutit pillugit malittarisassanik allannguinerit
- 3.14. Naatsorsuusiortarnermi takussutisseeriaatsit nutaat
4. Peqqussummik allanguummut missiliummut allannguutitut siunnersuutit Kalaallit Nunaanni pissutsini danskisut malittarisassanut naleqqiullugit
5. Peqqussummut allannguutip atortuulersinnera aamma ikaarsariarnermi aalajangersakkat il.il.

## 1. Siulequt

Ukiumoortumik naatsorsuusiortarnermik inatsit atortuulersinneqarpoq ukiumoortumik naatsorsuusiortarnermik inatsisip Kalaallit Nunaannut atortuulersinnera pillugu kunngip peqqussutaatigut nr. 625 23. juni 2008-kkut.

Peqqussut kingorna allanngortinneqarpoq aningaasalersuinikkut ingerlatsinermut inatsisimmi nr. 1287 19. december 2012-imeersumi § 7-imi allannguinnikkut, pappiaranik nalilinnik niuernermi il.il. inatsimmi, akiliussuussinermik elektroniskimillu aningasaliinermi inatsisinilu assigiinngitsuni allani (Unnerluussisussaataitasumut politiinullu paasissutissanik ingerlatitseqqinneq, Aaqqissukkatigut Ajutooratarsinnaanermut Siunnersuisoqatigiit, Aningaasalersuinermik Ingerlatsisut Siunnersuisoqatigiiffiat aamma Aningaasaateqarfiit Siunnersuisoqatigiiffiat, shortselling, akiliissinnaassutsimik piumasaqaammik atortitsinermik nutaamik iliuseqarneq aamma erniatigut tunuliaquttanik nakkutilliinermik il.il. pilersitsineq). Tamatuma taamaalilluni naapertorjaa inatsimmi taaneqartumi § 19, ukiumoortumik naatsorsuusiortarnermik inatsimmi allannguinerit pineqartut aamma Kalaallit Nunaannut atuuttuusut. Tamatuma kinguneraa allannguinerit pineqartut peqqussummut ilassutigineqarsinnaanngitsut, kisianni inatsit nr. 1287 19. december 2012-imeersoq naapertorlugu Kalaallit Nunaannut atuuttuusut.

Kunngip peqqussitissaatut missiliummi nassiunneqartumi siunertarineqarpoq ukiumoortumik naatsorsuusiortarnermik inatsisip Kalallit Nunaannut atuutilersinneratigut peqqussut atuuttoq nutarsarniarlugu, taamaalilutik inatsisit ukiumoortumik naatsorsuusiortarnermik inatsimmut malinnaasut peqqussummut atuuttumut tamakkiisumik ilaannakortumillunnit ilassutigineqarsinnaatillugit allannguutit Kalaallit Nunaanni pissutsinut naapertuutut malillugit.

- Pappialanik nalilinnik il.il. niuerneq pillugu inatsisip, aningaasanik niuerneq pillugu inatsisip, aktianik piginneqatigiiffiit pillugit inatsisip, ukiumoortumik naatsorsuutit pillugit inatsisip, iluanaarutunik pinerlunnikkut malunnarunnaarsaanerup pitsaaliornanut iliuitsit kiisalu

ajortumeeriniarik aningaasalersuinerup pitsaaliornera pillugu inatsisip, ajoqusernermut sillimmasiisarfinnut qularnaveeqqusiinermut aningaasaateqarfik pillugu inatsisip, sillimmasiinermik paasisitsiniaaneq pillugu inatsisip inatsisillu assigiinngitsut allat (Aningaasaqarnikkut sakkussanut niuerfiit pillugit peqqussutip (MiFID-peqqussutip) piviusunnngortinnera kiisalu paasiuminartuunissaq pillugu peqqussutip, aningaasanik nuussinermi paasissutissiinissamut piumasaqaatip, ajoqusernermut qularnaveeqqusiinermut aningaasaateqarfinnut tapiissutinik akiliuteqartarnerup, sillimmasiisartulu nalunaarsugaanerit il.il.) allannngortinneqarnissaat pillugu inatsit nr. 108, 7. februar 2007-imeersoq.

- Kukkersiuisut kukkunersuisarnermillu suliffeqarfiit akuerisat pillugit inatsit nr. 468 17.juni 2008-meersoq (Kukkunersiuisarnermik inatsit)
- Ukiumoortumik naatsorsuusiortarnermik inatsimmik allannguinermik inatsit nr. 516 17.juni 2008-meersoq (Naatsorsuuserinermi immikkoortiterinerit aningaasartamikkut qaffisissusissaasa qaffannerat aamma kukkunersuisut aqutsisut nalunaarutaannut tunngasumik il.il. pisussaaffii)
- Ukiumoortumik naatsorsuusiortarnermik inatsimmik allanguinermik inatsit nr. 1403 27.december 2008 (Suliffiutini angisuuni inuiaqatigiinnut akisussaaneq pillugu nassuisaat)
- Ukiumoortumik naatsorsuusiortarnermik inatsimut allanguinermik inatsit nr. 516 12.juni 2009-meersoq aningaasalersuisarnermik ingerlatsineq pillugu inatsit aamma inatsisit assigiinngitsut allat (Piginneqatigiiffiit pillugit inatsisip kinguneranik allannguinerit)
- Ukiumoortumik naatsorsuusiortarnermik inatsimmik aamma piginneqatigiiffit pillugit inatsimmik allannguinerit pillugit inatsit nr. 720 25.juni 2010-meersoq
- Ukiumoortumik naatsorsuusiortarnermik inatsimmut inatsisinullu assigiinngitsunut allanut allannguinermik inatsit nr. 341 27. april 2011-meersoq (Suliffeqarfiit pisortallu akornanni pinngitsuugassanngitsumik digitalimik atassuteqaqatigiinneq, Nutarterineq pillugu Aningaasaateqarfiup qularnaveeqqutitut il.il. aaqqissuineratigut akileraanngissinnaaneq)
- Piginneqatigiiffiit pillugit inatsimmik, ukiumoortumik naatsorsuuserinermik inatsimmi aamma pappiaranik nalilinnik il.il. nioqquteqarneq pillugu inatsit nr. 477 30. maj 2012-imeersoq (pisortat aktianik piginnittutut paasissutissanik annertunerusunik pissarsisinnaanerit aamma suliffiutillit aalajangersimasut naatsorsuutaannik misissuinermi akiliutinik allanngiineq)
- Pinngitsuugassaannngitsumik digitalimik atassuteqaqatigiittusaaanermik il.il. inatsitigut aalajangersakkanut assigiinngitsunut allannguutitut inatsit nr. 1231 18. december 2012-imeersoq (Pinngitsuugassaannngitsumik digitalimik atassuteqaqatigiinneq aamma naleqqussaanerit oqartussaaffiit il.il. nuunnerisa kingunerinik)
- Ukiumoortumik naatsorsuusiortarnermik inatsimmut aamma kukkunersiuineq pillugu inatsimmut allannguutitut inatsit nr. 1232 18. december 2012-imeersoq (Kukkunersiuisarnermi pisariillisaaneq aamma kukkunersiuisunik il.il. pisortanit patajaannerusunik nakkutiginninneq)
- Piginneqatigiiffiit pillugit inatsimmut, ukiumoortumik naatsorsuusiortarnermik inatsimmut aamma inatsisinut assigiinngitsunut allanut allannguutitut inatsit nr. 1383 23. december 2012-imeersoq (Angusimarususutut kisitsisinik aamma suaassuseq tunngavigalugu aqutsivinni qullersani anguniakkanik atulersitsineq aamma tamakku pillugit nalunaaruteqartarneq)
- Piginneqatigiiffiit pillugit inatsimmut, inuussutissarsiortut aalajangersimasut pillugit inatsit, ukiumoortumik naatsorsuusiortusaaanermik inatsit aamma Suliffiutillit pillugit qitiusumik nalunaarsuiffik allannguutitut inatsit nr. 616 12.juni 2013-imeersoq (Aallarnisaasutut ingerlatsivinnik atulersitsineq, anpartinik piginneqatigiiffittut ingerlatsivinni aningaasatigut tunuliaqutaqarnissamik minnerpaaffissatut piumasaqaammik appaaneq, ingerlatsivinni killilimmik akisussaasunik nutaanik inatsimmut inuussutissarsiutinik ingerlatsivinnut il.il. aalajangersimasunut atasumik pilersitsisinnaanermik atorunnarsitsineq.

- Pillaasarneq pillugu inatsimmut, eqqartuussisarnermi inatsimmut aamma inatsisinut assigiinngitsunut allanut allannguutitut inatsit nr. 634 12. juni 2013-imeersoq (Aningaasarsiornikkut pinerluttarneq akiorniarlugu sakkortusisamik suliniarneq)
- Ukiumoortumik naatsorsuusiortarnermik inatsimmut, piginneqatigiifiit pillugit inatsimmut aamma inatsisinut assigiinngitsunut allanut allannguutitut inatsit nr. 1367 10.december 2013-imeersoq (Ukiumoortumik nalunaarutit tuluttut oqaasertallit aamma inuiaqatigiinnut akisussaaneq pillugu nalunaartarneq)
- Aningaasalersuineramik ingerlatsineq pillugu inatsimmut aamma inatsisinut assigiinngitsunut allanut allannguutitut inatsit nr. 268 25. marts 2014-imeersoq (Aningaasanik taarsigassarsiniartarfik aamma qanoq uninngasuuteqarnissamik malitassiaq (CRD IV) aamma allannguutit peqqussummut tassunga atasumut malittaasut (CRR) aamma SIFI-t il.il. pillugit inatsisiliorneq)
- Inuusutissarsiutinik ingerlataqartut aningaasaateqarfii pillugit inatsit nr. 712 25.juni 2014-imeersoq
- Ukiumoortumik naatsorsuusiortarnermik inatsimmut aamma inatsisinut assigiinngitsunut allanut allannguutissatut inatsit nr. 738 1. juni 2015-imeersoq (Pisortaqarnikkut nammagassanik anikillisisineq, nunani tamaani naatsorsuuserinermi atortitassanut naleqqussarnerit, naatsorsuusararneq pillugu malitassiamik nutaamik naammassinnineq aamma takunnileruisinaanermik il.il. malitassiaq).

Ukiumoortumik naatsorsuusiortarnermik inatsisip peqqussutip atuuttup Kalaallit Nunaannut atortuulersinnissaanut allanngutitut siunnersuutit peqqussutitut missiliummi § 2-miipput. Allannguutit ilusilersugaapput inatsimmut allannguutitut.

## **2. Ukiumoortumik naatsorsuusiortarnermik inatsimmi tamanut atuuttut tamatumunngalu allannguutit**

### **2.1. Suliffiutillit ukiumoortumik naatsorsuusiortarnermik inatsimmut ilagitinneqartut**

Ukiumoortumik naatsorsuusiortarnermik inatsisip aquppaa inuusutissarsiutinik suliffiutillit ilarparujussuisa naatsorsuusiortarnerat. Inatsimmi § 3, imm. 1 nalunaarsorpai suliffiutillit suut pisuussaaffeqartut ukiumoortumik naatsorsuusiortarnermik inatsit naapertorlugu ukiumoortumik nalunaarusiussallutik. Pingaartumik pineqarput suliffiutillit killilimmik akisussaasut soorlu aktianik – aamma anpartinik piginneqatigiifiit aamma aningaasaateqarfiit inuusutissarsiornermik il.il. ingerlatallit.

Taamaattoq aningaasalersuinermik suliffeqarfiit aningaasalersuinermik inatsisiliornikkut naatsorsuusiornissamik piunasaqarfiusut ukiumoortumik naatsorsuusiortarnermik inatsimmut ilagitinneqangillat. Taamattaaq pisortatigut oqartussaaffiit aamma pisortatigut suliffeqarfiit aalajangersimasut inatsimmut ilagitinneqangillat.

Suliffiutit inummit ataatsimit ingerlassat assigisaallu pisussaaffeqangillat ukiumoortumik naatsorsuusiortarnermik inatsit naapertorlugu ukiumoortumik nalunaarusiussallutik, kisianni suliffik nammineq piunassutsiminik ukiumoortumik nalunaarusioruni suliffiup nammineq atugassarisariaqanngisaanik, suliffiup taassuma naatsorsuuserinermi immikkoortiterinermi A malittarisassat naapertussavai, immikkoortoq 2.2.-mi eqqartorneqartutuut.

Ukiumoortumik nalunaarutip pinnguutigai suliffiup ukiumoortumik naatsorsuutai aamma immaqa ingerlatsiviup naatsorsuutai. Taassuma saniatigut ukiumoortumik nalunaarut makkuninnga pinnguuteqarpoq:

- Aqutsisut nalunaarutaat
- aqutsisut oqaaseqaataat,
- kukkunersiuisut oqaaseqaataat, aamma
- Ilassutaasumik nalunaarutit.

## **2.2. Ukiumoortumik nalunaarutip ilusilerneru ("katitertakkatut ilusiliineq")**

Ukiumoortumik nalunaarut ilusiligaavoq katitertakkatut ilusiliinertut taasartakkatut, taanna malillugu malittarisassat ataatsimoortut, suliffiut ataaseq pisussaaffeqarluni ukiumoortumik nalunaarutimi suliarinera malissallugu (ukiumoortumik naatsorsuutit il.il.), pingaartumik aallaaveqarpoq suliffiup angissusianik. Ilusiliinermi tunngavigisaq tassa suliffiit mikisut malissagaat piumasaqaatit ikittut, tamanut atuuttut, suliffiilli angisuut malittagaat piumasaqaatit amerlanerusut immikkuualuttortaqarnerusullu. Tamatumunga tunngaviusoq tassa suliffiit mikisut naatsorsuutunik akikinnerusunik atuisoqarajummata, akerlianik suliffiit angisuut – minnerunngitsumillu suliffiit pappiaranik nalilinnik niuerfinni nalunaarsimasut - naatsorsuutunik siamasinnerusunik assiginngisitaarnerusunik pisariaqar-titsisunik atuisoqartut, aammalu tamanit eqqumaniarfigineqarneroqalutik. Katitertakkatut ilusiliineq sisamanik immikkoortiteruteqarpoq: A, B, C aamma D.

Naatsorsuutunik immikkoortiterut A-mi malittarisassat atuupput suliffiutitut inummit ataatsimit ingerlanneqartunut il.il. pisussaaffeqanngitsunut ukiumoortumik nalunaarummik tunniussissallutik, kisianni nammineq piumassutsimik ukiumoortumik nalunaarusiortartunut suliffimmut namminerumut taamaalaat naatsorsuutaasariaqanngitsumik.

Naatsorsuutunik immikkoortiterut B atuuppoq aktianik- aamma anpartinik ingerlatsivinnut mikisunut, inuussutissarsiortut aningaasaateqarfiinut il.il. Suliffiutit tamakku annerusumik tassaasarpit suliffiutit pisussaaffeqartut inatsit malillugu ukiumoortumik nalunaarusiussallutik.

Naatsorsuutunik immikkoortiterut C-mut ilassutaasumik piumasaqaatit atuupput aktianik- aamma anpartinik ingerlatsivinnut akunnattumik aamma angisuumik angissusilinnut, inuussutissarsiortut aningaasaateqarfiinut il.il. Naatsorsuutunik immikkoortiterut C taamaalilluni piviusumik atuuppoq naatsorsuutunik immikkoortiterutitut marlunnut ingerlatsivinnut akunnattumik angissusilinnut angisuumillu angissusilinnut oqinnerusumik assigiisitaartumik piumasaqaateqarlutik.

Suliffiutit aningaasaatigut piginneqataassutillit, akiligassaqaarnertut periaasillit imalunniit allanik pappiaranik nalilinnik niuerutissanik niuerfimmi nunami EU/EØS-imi akuerisami nalunaarsimasut (ingerlatsiviit pappiaranik nalilinnik niuerfinni nalunaarsimasut) aamma nalagaaffiup aktianik piginneqatigiifii, naatsorsuutunik immikkoortiterummut D-mut sukanganerusumik malittarisassalinnut ilaapput. Ingerlatsiviit aningaasanik niuerfinni nalunaarsimasut aammattaq – EU-mi peqqussut malillugu – pisussaaffeqarput nunani tamalaani naatsorsuuserinermi atortuusut, IFRS, ingerlatsivittut naatsorsuutiminni (ukiumoortumik naatsorsuusiortarnermik inatsimmi malittarisat maanna atuuttut malillugit ukiumoortumik naatsorsuutiminni malissallugit, ingerlatsivimmi naatsorsuutunik tunniussi-soqarsimannngippat). Naatsorsuutitut tamakkununnga ukiumoortumik naatsorsuusiortarnermik inat-simmi malittarisassat taamaalillutik malittarisatut pingaarnerit naapertuuttut atorsinnaapput pissuseq IFRS-imi nalimassarneqarsimannngikkaangat.

Ukiumoortumik naatsorsuusiortarnermik inatsimmi § 7-imi annertussisissanut killigititat aalajangiisupput suliffiut ataaseq naatsorsuuserinermi immikkoortiterummi B-mi (suliffiutit mikisut) malittarisanut imalunniit naatsorsuuserinermi immikkoortiterut C-mut (suliffiutit akunnattumik aamma angisuumik angissusillit) ilaanersoq. Annertussisissanut killigititat erseqqinnerusumik eqqartorneqarput immikkoortoq 3.2-mi. Suliffiutit pappiaranik nalilinnik niuerfinni nalunaarsimasut aamma naalagaaffiup aktianik ingerlatsivii taamaakkaluartoq naatsorsuusiornissaminni sukannernerpaanik piumasaqarfigineqarput naatsorsuuserinermi immikkoortiterut D-mi angissuseq apeqqutaatinnagu.

### **2.3. Ukiumoortumik naatsorsuusiortarnermik inatsimmut allannguutit tamanut tunngasut peqqussutip Kalaallit Nunaanni atortuulersinnerata kingornagut**

Ukiumoortumik naatsorsuusiortarnermik inatsimmit peqqussutip atuuttup Kalaallit Nunaanni atuutuunngornerata ukiumoortumik naatsorsuusiortarnermik inatsit allanngutissatut inatsisitigut tulleriitsigut, immikkoortoq 1-imi taaneqartutut, allanngortinneqarsimavoq.

Tamatumunnga tunngatillugu immikkut erseqqissaatigineqassaaq inatsit allannguut nr. 738 1.juni 2015-imeersoq. Inatsit nr. 738-kkut naammassineqarpoq ukiumoortumik naatsorsuusiortarnermik inatsisip annertunerusumik pissutsinut nutaanut naapertuussarnera. Inatsit 738-p atuuttunngortippaa naatsorsuusiortarnermi malitassiaq nutaaq, Europa- Parlamentip Rådillu malitassiaat 2013/34/EU kingornagut allannguutit, Danmarkip atuutsissallugit pisussaafigisai, ilanngullugit. Naatsorsuusiortarnermi malitassiap kingoraarpai naatsorsuusiortarnermi malitassiat maannamut atuuttut (naatsorsuusiortarnermut malitassiaq 4. aamma 7), ukiumoortumik naatsorsuusiortarnermik inatsisip annertuumik tunngavigisimasai. Tamatumunnga tunngatillugu naatsorsuutitut malittarisassani arlalinnik qasuterineqarsimasimavoq, naatsorsuusiortarnermi malitassiap nutaap periarfissiineratigut. Peqatigitillugu inatsit nr. 738-kkut ukiumoortumik naatsorsuusiortarnermik inatsisip aalajangersagaanik nunani tamalaani naatsorsuusiortarnermi atuuttunut, International Financial Reporting Standards, IFRS, naapertuussaaneqarpoq. Suliniutit tamakku atorlugit suliffiutip unammilleqataasinnanera patajaallisarneqassaaq, peqatigitillugu naatsorsuutitut atuisut paasissutissanik pingaarutilinnik pisariaqartitsinerat naatsorsuutigineqalerluni.

Ukiumoortumik naatsorsuusiortarnermik inatsimmut allanngutitut pingaarnerpaatut Folketingip, ukiumoortumik naatsorsuusiortarnermik inatsisimmut peqqussutip Kalaallit Nunaannut atuutilerneratigut atuuttup aalajangigai immikkoortoq 3-p ataani immikkoortuni eqqartorneqarput.

Tassungattaq atatillugu eqqartorneqarput ukiumoortumik naatsorsuusiortarnermik inatsimmi naalagaaffiup aktianik ingerlatsiviinut malittarisassani allannguutit pingaarnerit. Tamatumunnga tunuliaqutaasoq tassa aktianik anpartinillu ingerlatsivinni inatsisip (piginneqatigiifiit pillugit inatsisip) Kalaallit Nunaannut atortussangortinnissaanut peqqussutissatut missiliummi ikkunneqarmat § 351-imi Namminersorlutik Oqartussat ingerlatsiviisa piginneqatigiifiit pillugit inatsisip Kalaallit Nunaannut peqqussutikkut atortuulersinneratigut naalagaaffimmi aktianik piginneqatigiifiit pillugit malissagaannik aamma ukiumoortumik naatsorsuusiortarnermik inatsisip peqqussutikkut Kalaallit Nunaannut atortuulersinnissaanik, inuiaqatigiinni soqutigisat immikkut ittut tamanna tapersorsorpassuk, malittarisassaliornissamik piginnaatitsissut. Aaqquissuinermik siunnersuutip assigaa aktianik ingerlatsivinnut aamma ukiumoortumik naatsorsuusiortarnermut inatsisip Kalaallit Nunaannut peqqussutikkut atuutilernissaannut aaqquissuinerit atuuttut. Maanna Namminersorlutik Oqartussat ingerlatsiviisa angisuut aaqquissuinermi Kalaallit Nunaannut atuutsitsinerne atuuttuni malitassaraat naalagaaffiup aktianik ingerlatsiviinut malittarisassat. Tamatuma erseqqinnerusumik eqqartorneranut aktianik- aamma anpartinik piginneqatigiifiit pillugit inatsimmik (piginneqatigiifiit

pillugit inatsit) Kalaallit Nunaanni atortuulersitsinermut missiliummi innersuussutigineqarsinnaavoq pingaarnersiuermi imm. 4.6.

Ukiumoortumik naatsorsuusiortarnermik inatsisip Kalaallit Nunaannut atortuulersitsinissamik peqqussummi atuuttumisulli peqqussummut allannguutissatut missiliummi siunnersuutigineqarpoq malittarisassat, EU-mit aallaaveqartut, imalunniit nunani tamalaani atortuusunik tunuliaqutaqartut, aamma Kalaallit Nunaannut atuutissasut, pissutsit immikkut ittut tamatumunnga akornutaanngippata.

Ukiumoortumik naatsorsuusiortarnermik inatsimmi allannguutit Kalaallit Nunaannut naapertuutinningsutut nalilernerqartut immikkoortut ataanni immikkoortoq 3-mut ilagittinneqanngillat. Pineqartut tassa allannguutit piumasaaqateqartut EU-mut ilaasortaanissamik, assersuutigalugu ingerlatsivinnut nunat killeqarfiit akimorlugit piginnitseqartunut allannguutit.

Immikkoortut ataani allaatigineqartutut taaneqartunut innersuussutigineqarput allanngutitut inatsisinnut ataasiakkaanut oqaaseqarfiginnissutit, imm. 1-imi taaneqartut.

Peqqussummut allanngutitut missiliummi nassiunneqartumi siunnersuutigineqarput Danmarkimi malittarisassanut naleqqiullugit allannguutit arlallit. Immikkoortoq 4-mi eqqartorneqartut.

### **3. Ukiumoortumik naatsorsuusiortarnermik inatsimmi allanngutit pingaarnert Kalaallit Nunaanni suliffiutitut malittarisassanut maannamut atuuttunut naleqqiullugit**

#### **3.1. Suliffiutit mikisut (naatsorsuusiortarnermi immikkoortut B) aamma suliffiutit akunnattumik angissusillit naatsorsuusiortarnermi immikkoortut C-mi.**

Imm. 2.2.-mi eqqartorneqartutut ukiumoortumik naatsorsuusiortarnermik inatsit ilusiligaavoq katitertarisassatut taaneqartutut ittutut, taassuma pinngutigalugit naatsorsuusiortarnermi immikkoortut A, B, C aamma D.

Ukiumoortumik naatsorsuusiortarnermik inatsimmi § 7-imi angissusimut uuttuutitut killigitat aalajangiisupput suliffiutit ataaseq naatsorsuusiortarnermi immikkoortumut B-mut (suliffiutit mikisut) imalunniit naatsorsuusiortarnermi immikkoortut C-mut (suliffiutit akunnattumik angissusillit) ilaasuunersut. Suliffiutit pappiaranik nalilinnik niuerfinni nalunaarsimasut aamma naalagaaffiup aktianik ingerlatsivii uuttuutimmi angissuseq apeqqaatinnagu naatsorsuutitinnut tunnius-sinissamut tamatigit sukannerpaamik piumasaaqateqarfiusunut naatsorsuutitinnut immikkoortut D-mut ilagittinneqarput.

Annertussusimut killigitinneqartunut ilaapput naatsorsuutit inernerat, kaaviiartitat ilanngaaseriikkat aamma sulisorisat amerlassusiat. Naatsorsuutit inernerinut aamma kaaviiartitanut ilanngaaseriikkanut killigitat qaffanneqarsimapput, peqatigitillugu sulisorisat agguaqatigiissitamik amerlassusiat allanngorsimangitsaq.

**Suliffiutitut mikisunut angissusimut killigitat** manna ukuupput, tak. § 7, imm. 2, nr. 1:

Naatsorsuutit inernerat 44 mio. kr.-usoq,  
kaaviiartitat ilanngaaseriikkat 89 mio. kr.-usut,  
aamma piffissami tamarmiusumi sulisut 50-it.

Suliffiutit ukiuni naatsorsuuffinni malittuni marlunni uuttuutitinnut taakkuninga pingasunik qaangiisimangitsut, tassaapput suliffiutit mikisut.

Kalaallit Nunaanni suliffiutitut angissutsimut killigititani atuuttuni naatsorsuutit inernerat 29 mio. kr.-usoq, kaaviiartitat ilanngaaseriikkat 58 mio. kr. aamma piffissami tamarmiusumi sulisorisat 50-it.

Suliffiutitut mikisunut angissutsimik killigitat qaffannerat kinguneqarpoq, suliffiutit ilaat naatsorsuusiortarnermi immikkoortut C-mit naatsorsuusiortarnermi immikkoortut B-mut nuussinnaassat taamalu suliffiutitut naatsorsuusiortarnermi B-mut ilagittineqartunit qasunganerumik piu-masaqaateqarfigineqalerlutik.

Taamakkaluartoq suliffiut naatsorsuusiortarnermi immikkoortut B-mi inissisimasoq nammineq piumasutsimigut tamakkiisumik ilaanakortumillunniit naatsorsuisarnermi immikkoortumik qaffasinnerumik toqqaasinnaavoq, t.i. naatsorsuisarnermi immikkoortut C imalunniit D.

**Suliffiutitut akunnattumik angissusilinnut angissutsimut killigitaat maana imaapput**, tak. § 7, imm. 2, nr. 2:

Naatsorsuutit inernerat 156 mio. kr.-usoq, kaaviiartitat ilanngaaseriikkat 313 mio. kr.-usut, aamma Piffissami tamarmiusumi sulisorisat 250.

Suliffiutit, suliffiutitut mikisunut ilaanngitsut, aamma ukiuni malittuni marlunni uuttuutit pingasuusunit marlunnik qaangiisimangitsut, tassaapput suliffiutit akunnattumik angissusillit.

Kalaallit Nunaanni suliffiutitut uuttuutitut killigitat atuuttut naatsorsuutit inernerat 119 kr.-usoq, kaaviiartitat ilanngaaseriikkat 238 mio. kr.-usut aamma piffissami tamarmiusumi sulisorisat 250-iusut.

**Suliffiutit angisuut** tassaapput suliffiutit tassaangitsut suliffiutit mikisut imalunniit akunnattumik angissusillit, tak. § 7, imm. 2, nr. 3.

Suliffiutit akunnattumik angissusilinni uttuutit killigitat qaffannerata kinguneraa, suliffiutit ilaasa suliffiutitut naatsorsuisarnermi immikkoortut C-mi naatsorsuutit tunniussisinnissamik piumasagaatinik annertuunik naammassinnittariaqartuunerat, kisianni suliffiutitut akunnattumik angissusilinnut naatsorsuini immikkoortut C-mi naatsorsuusiortarnermi piumasagaatit ikinnerusut naammassisimasariaqarlutit.

Suliffiutit naatsorsuusiortarnermi immikkoortut C-mi suliffinnut akunnattumik angissusilinnut malittarisassanut ilagittineqartoq kisianni nammineq piumasutsiminik tamakkiisumik ilaanakortumillunniit naatsorsuini immikkoortut C-mut malittarisassat imalunniit naatsorsuini immikkoortut D-mi malittarisassat malinniarnertut.

Suliffiutit suliffiutit mikisuunngitsut imalunniit suliffiutit akunnattumik angissusiliunngitsut taassaapput suliffiutit angisuut.

**3.2. Suliffiutit mikisuunersoq, akunnattumik angissusiliunersoq imalunniit angisuumik angissusiliunersoq nalunaarsuini naatsorsuini periaatsimik allanngineq**

Nutaartatut suliffiutit aningaasalersuinikkut isertitallit aamma suliffeqarfimmit aningaasaliinermik ingerlatsisumit isertit ataatsumut katillugit kaaviiartitat ilanngaaseriikkat annertutigisunik isertitallit, suliffiutit mikisuunersoq, akunnattumik angissusiliunersoq angisuumillunniit angissusiliunersoq nalunaariniarnertut kaaviiartitat ilanngaaseriikkat katinnerat atussavaat aamma ani-



ngaasaliinikkut isertitat aamma suliffeqarfinnit aningaasaliisarnermik ingerlatsisunit isertitat imaaginnanngitsoq kaaviiartitat ilanngaaseriikkat. Tak. § 7, imm. 4. Taamaalilluni pinaveersimaneqassaag suliffiutillit aalajangersimasut annertoorsuarnik naatsorsuutitigut isertitallit ikittuaqqanillu sulisullit – assersuutigalugu aningaasalersuinikkut piginnittutullu suliffiutit – suliffiutinut mikisunut naatsorsuinermi immikkoorut B-mut ilagitinneqartutulli malittarisat malillugit naatsorsuusiorsinnaanerat.

### **3.3. Ingerlatsivinnut ingerlatsivittut naatsorsuutininik tunniussinngissinnaatitaasunut (ingerlatsiviit mikisut) uttuuttininik killigititanik qaffaaneq aamma naatsorsuinermi periaatsininik allanngineq**

Suliffiutit ingerlatsivinnik akunnattumik angissusilinnik angisumillu angissusilinnik piginnittut aallavigalugu pisussaapput ingerlatsivittut naatsorsuusiussallutik (taamaakkaluartoq arlallit pinngitsoorsinnaatitaapput), kisianni ingerlatsivinnik mikisunik piginnittut suliffiutit ingerlatsivittut naatsorsuusiornissamut pinngissinnaatitaallutik.

Suliffiutit piginnittut taamaalilluni pingissinnaatitaavoq ingerlatsivittut naatsorsuutininik tunniussisinnissamut, imappat ingerlatsivimmi suliffiutit ataatsimut ukiumoortumik naatsorsuusiortarnissamik inatsimmi § 110, imm. 1-imi uttuutitut marluk pingasuusunit killigititat nalingat qaangersimanngippassuk. Taakku killigititat suliffeqarfinnut mikisunut killigititat § 7, imm. 2, nr. 1-imiittut assigaat. Tassa imaappoq naatsorsuutit inernerat 44 mio. kr., kaaviiartitat ilanngaaseriikkat 89 mio. kr. aamma piffissami tamarmiusumi sulisorisat 50.

Suliffiutinut mikisunut uttuutit killigititat qaffannerata, imm. 3.2-mi eqqartorneqartutut kingunerisaanik taamaalilluni ingerlatsivinni mikisuni § 110, imm. 1-imi uttuutit killigititat qaffannerata annertoqataanik qaffaaneqarpoq. Tamanna isumaqarpoq ingerlatsiviit amerlanerusut ingerlatsivittut mikisutut ilissasut, aamma ingerlatsiviit piginnittut amerlanerusut taamaalillutik ingerlatsivittut naatsorsuutininik tunniussisinnissamit pisussaaffimmik piginnitsoortinneqartalissasut.

Peqatigitillugu annertussutsininik naatsorsuisarneq allannguiffigineqarpoq. Siornatigut aningaasat annertussusii nalunaarneqartarput ingerlatsiviup uttuutaasa toqqaannartumik katiternerisigut, t. i. aningaasat ingerlatsivimmi suliffiutit akornanni ingerlaarnerini nunguterinerit (nalimmassaanerit) atortanngitsut. Maanna annertussusiliinermut killigititat nalunaarsornerini marlunnik periaaseqalerpoq. Suliffiutit maanna toqqarsinnaalerpaat ingerlatsiviup iluani nunguterinerit, taamaalilluni aningaasat annertussusii aalajaallisakkatut qaffasissusilerlugit, t.i. ingerlatsiviit tamaat isigalugu, imalunniit annertussutsininik killilersuinerit nalunaarlugit nunguterinerit maannamutuut ilanngunnagit, kisianni peqatigitillugu naatsorsuutit inernerinut kaaviiartitanullu ilanngaaseriikkanut killigititat 20 pct.-mik qaffallugit.

Kalaallit Nunaanni ingerlatsivinnut ingerlatsivinnut mikisunut annertussutsinut killigititat naatsorsuutit inernerinut 29 mio. kr.-upput, kaaviiartitanullu ilanngaaseriikkanut 58 mio. kr. aamma piffissami tamarmiusumi sulisorisanut 50-iulluni.

### **3.4. Andelinik ingerlatsivinnut mikisunut killilimmik akisussaasunut il.il. ukiumoortumik naatsorsuutininik tunniussinngissinnaatitaasunut annertussutsimut killigititat qaffannerat**

Suliffiutit arlallit inuussutissarsiutinik ingerlatsisutut suliffiutit aalajangersimasut inatsimmut ilagitinneqarput ukiumoortumik naatsorsuusiortarnissamik inatsit malillugu ukiumoortumik nalunaarummik tunniussinngiissinnaatitaapput. Pineqartut tassa suliffiutit aamma peqatigiiffiit killilimmik akisussaasut suliffiutit inuussutissarsiornermik ingerlataqartut aalajangersimasut pillugit

inatsimmi § 3-kkut ilagitinneqartut, aamma andelinik ingerlatsiviit killilimmik akisussaasut, tak. Suliffiutit inuussutissarsiutinik ingerlataqartut aalajangersimasut pillugit inatsimmi § 4.

Suliffiit qanoq ilinerani ukiumoortumik nalunaarummik tunniussissallutik pinngitsoorsinnaanerannik annertussutsimik killiliinerit qaffanneqartarnersut naatsorsuutit inerneranni aamma kaaviiartitat ilanngaaserikkat eqqarsaatigalugit, taamaattorli sulisorisat amerlassusiannik agguaqatigiissitsineq allanngunngitsoq. Annertussutsinik killiliinerit imaapput, ta. § 4, imm. 1:

naatsorsuutit inernerat 7 mio. kr.  
kaaviiartitat ilanngaaseriikkat 10 mio. kr., aamma  
sulisitat 14.

Suliffiup annertussusiliinermut killigititanit pingasunit marluk qaangersimangikkunigit, suliffik ukiumoortumik nalunaarummik tunniussinngissinnaavoq.

Kalaallit Nunaanni suliffeqarfinni annertussutsimut killigititat tassaapput naatsorsuutit inernerannut 6 mio. kr., kaaviiartitat ilanngaaserikkat 12 mio. kr., aamma piffissami tamarmiusumi sulisitat 10-usut.

### **3.5. Kukkunersuisarneq pillugu malittarisassanik allanngineq**

#### **3.5.1. Aqutsisut nalunaarutaat kukkunersiorneqartarunnaassaaq (immikkoorutit B, C aamma D)**

Suliffeqarfinnut pinngitsoornatik kukkunersuiffigineqartartussaasimasunut, nammineq toqqagassanngorpoq aqutsisut nalunaarutaat kukkunersiortissanerlugu.

Maannamut aqutsisut nalunaarutaata kukkunersiorneqartarnissaanik piumasaqaat kingoraarserneqarpoq piumasaqaammik kukkunersuisup aqutsisut nalunaarutaat atuarsimassagaa oqaaseqarfigalugulu tamatumani paasissutissat ukiumoortumik nalunaarummi paasissutissanut immaqalu ingerlatsiviup naatsorsuutaanut naapertuunnersut.

#### **3.5.2. Kukkunersiorneqartannginissamik toqqaanermi annertussusissamut killigititanik qaffaaneq (naatsorsuineri immikkoorut B)**

Suliffiutitut mikisunut naatsorsuineri immikkoortoq B-mut ilagitinneqartut qanoq ilisukkut kukkunersiuissannginnermik toqqaasinnaanerannut annertussusissamik killigititat qaffanneqarput, maanna imaalerlutik, tak. § 135, imm. 1, oqaasertat 3:

Naatsorsuutit inernerat 4 mio. kr.-usoq,  
Kaaviiartitat ilanngaaseriikkat 8 mio. kr.-usut aamma  
Piffissami tamarmiusumi sulisitat 12.

Suliffiutip annertussusiamut killigititanit taakkunannga pingasunit marluk ukiuni malittuni marlunni qaangersimangikkunigit suliffiutip kukkunersiorneqannginissaq toqqarsinnaavaa.

Kalaallit Nunaanni suliffiutitut annertussusissatut atuuttut taassaapput naatsorsuutit inernerat 1,5 mio. kr., kaaviiartitat ilanngaaseriikkat 3 mio. kr. aamma piffissami tamarmiusumi sulisitat 12.

Annertussusissamut killigititat qaffannerat kinguneqarpoq suliffiutit arlallit kukkunersiorneqannginissaq toqqarsinnaagaat.

Inuussutissarsiutinik ingerlatsisutut aningaasaateqarfiit taamaattoq maannamut pisussaapput naatsorsuutitik kukknersiortissallugit aningaasaateqarfiup angissusia apeqqutaatinnagu, tak. § 135, imm. 2. Ingerlatsiviit piginnittuusut periarfissaqarput kukknersiortinnginnissamut imm. 3.5.3-mi eqqartorneqartutulli.

### **3.5.3. Ingerlatsiviit piginnittuusut mikisut (naatsorsuinermi immikkoorut B) kukknersiorneqannginnissaamik toqqaasinnaanerat**

Ingerlatsiviit piginnittuusut mikisut periarfissaqalerput kukknersiorneqannginnissamik toqqaasinnaallutik, tak. § 135, imm. 3, imaassimappat ingerlatsivik mikisoq suliffiutillu annertuumik sunniuteqarfisai – suliffiutit pigisat ingerlatseqatillu – katillutik kukknersiorneqannginnissamut annertussisissamut killigititaq qaangersimannikkaat:

Naatsorsuutit inernerat 4 mio. kr.-usoq,  
Kaaviiartitat ilanngaaseriikkat 8 mio. kr.-usut, aamma  
Piffissami tamarmiusumi sulisitat 12.

Annertussisissamut killigititanik naatsorsuinermi atorpeqassaaq periaaseq ingerlatsivik mikisuuner-sumik naliliineri atorpeqartartoq. Tamanna isumaqarpoq suliat iluanni nuussuineri nunguterineqarsinnaasoq.

### **3.5.4. Kukknersiorneqannginnissamik toqqaaniarnermi paasilertornartumik paasisitsisussaaneermik pisussaaffik (naatsorsuinermi immikkoorut B)**

Ukiuortumik nalunaarummi maanna taamaallaat paasisitsutiginneqartassapput ukiumi ukiumut tulliuuttumut ukiumortumik naatsorsuutinik kukknersuineqassanngitsumik aalajangerfiusut.

Aammattaq maannamut imaassimavoq, suliffiutillip ukiut tamaasa ukiumortumik nalunaarummi paasisitsisutiginneqassagaa kukknersuinerneqanngitsumik toqqaanermut piumasaqaatit naammassineqarsimasut.

### **3.5.5. Suliffiutinut mikisunut nalunaartussaaneermik atortuulersitsinerup kingorna kukknersiui-sarnissaq (naatsorsuinermi immikkoorut B)**

Suliffiutit naatsorsuinermi immikkoorut B-mut ilagitinneqartut (suliffiutit mikisut) ukiumortumik naatsorsuusiortarnermik inatsimmi § 135 naapertorlugu kukknersiuisitsisussaataasut, imalunniit nammineq piumassutsimik naatsorsuutiminnik kukknersiuisitsisartut, maanna kukknersiuisitsineq suliaritissinnaavaat Erhvervstyrelsenip suliffiutinut mikisunut nalunaartussaaneermik atortitsinera malillugu, immikkut suliffiutit taamaattut annertussusiannut pisariussusiannullu naammattusaagaq.

Periarfissarli tamanna atuutinngilaq inuussutissarsiutinik ingerlatsineri aningaasaateqarfinnut naatsorsuinermi immikkoorut B-mut ilagitinneqartunut, tak. § 135, imm. 2 oqaasertaq 1, tassa tamakku kukknersiui-gassaammata kukknersiuisarnermi atortitaasut tamanut atuuttut malillugit assigalugit suliffiutit naatsorsuinermi immikkoorut C-mut imalunniit D-mut ilagitinneqartut.

Periarfissartaaq aamma atuutinngilaq ingerlatsivinnut piginnittuusunut, imaassimappat ingerlatsivik piginnittuusooq suliffiutinullu aningaasanik tunuliaqutsiinermigut pigisai annertuumillu sunni-

teqarfigisai katillutik suliffiutitut mikisunut annertussusissamut killigitat, imm. 3.3-mi eqqartorneqartut, qaangersimagaat. Tassa imaappoq ingerlatsivik piginnittuusoq suliffiutit pineqartut ukiuni malittuni marlunni ukiumi naatsorsuiffimmi tullermi katillutik qaangersimagaat naatsorsuutit inerneranni 44 mio. kr., kaaviaartitani ilanngaaserikkani 89 mio.kr. aamma atorfeqartitani 50-it. Annertussutsinik naatsorsueriaaseq ingerlatsivinnut naatsorsuisoqassanerani naliliinermut assingusoq atorneqarsinnaavoq, tak. imm. 3.3.

Erhverstyrelsen suliffinnut mikisunut nalunaaruteqartussaannerit atuutsitai naapertorlugit kukknersiunermit ingerlatsinermit kukknersiuisup angussavai nammaginaritumit naapertuutimillu takussutissat ukiumoortumit naatsorsuutit annikinneroqisumit aningaasartaqanngitsumit kukknersiunermit sulianit suliffinnut angisuumit angissusilinnut atuuttunit suliaqarnermit.

Suliffiutitut mikisunut nalunaaruteqarnissamik atortitsilernerup kingorna ukiumoortumit naatsorsuornerup pisortanut annertuumik suliffinni ukiumoortumit naatsorsuutit qularnaarutaassaaq eqqortumit takussutissiinerannik. Kisianni kukknersuisitsinissamik atuutsinerup kingorna kukknersuisitsinertuunngitsorli.

Nalunaaruteqarnissamik atortitsilernerup kingorna naatsorsuutit ukiumoortut kukkusiortinnissaannik aalajangerneq imaluunniit siunissamut atuuttuumik ataatsimeersuarnermit ataatsimiinnermilunniit assingusumik naatsorsuutit akuerineqartariaqarfiinik naatsorsuutit kukkersiuisitsinissamik. Kukknersiuisoq naatsorsuutit nalunaaruteqarnissamik atortitsinerup kingorna kukknersiuisussatut toqqarneqartup maannamutulli Erhvervsstyrelsen nalunaarutigineqarlunilu tassani nalunaarsugaatigineqartariaqarpoq.

### **3.6. Suliffinnut aalajangersimasunut ataasiinnarmik aqutsinermit ilaasortalinnut (naatsorsuiner-mi immikkoorutit B aamma C) aqutsisut nalunaarutaannik atsiusimanissamik piunasaqaam-mik atuukkunnaarsitsineq**

Suliffiutitut naatsorsuinermit immikkoorutitut B-mut (suliffiutit mikisut) imaluunniit naatsorsuinermit immikkoorummut C-mut ilagittineqartut (suliffeqarfiit akunnattumik angissusillit), aqutsinermit ataasiinnarmik ilaasortalinni, ukiumoortumit akuerineqassagaangat, tak. ukiumoortumit naatsorsuornermit inatsimmi § 9 a, aqutsisut atsiusimanissaannik piunasaqaat atuukkunnaarsinneqarpoq. Piunasaqaatinik annikillitsinermit ilagittineqanngillat suliffiutit naatsorsuinermit immikkoorut D-mi inissimasat.

Ukiumoortumit nalunaarutip akuerineqarnissaani aqutsinermit ilaasortaqaq ataaseq sinernerqarsimappat, nangittumik aqutsisut atsiuinissaat suliarineqassaaq, tamatumani aqutsisut ilaatigut nalunaarlugu ukiumoortumit nalunaarut inatsisit naapertorlugit suliarineqarsimanersoq eqqortumillu takussutissiisut.

Ukiumoortumit naatsorsuornermit inatsisip toqqaannartumit kinguneraa, aqutsisut suliffiutip naatsorsuutaanut akisussaasuusut, aamma aqutsisut naatsorsuutit atsiuinissannik piunasaqaat namminermini inatsisiliornikkut pingaaruteqartuunngitsoq. Aqutsisuni ataasiinnarmik ilaasortaqaqtuni atsiuisarnisaamik piunasaqaammik atuukkunnaarsitsinerup taamaalilluni allanngortinngilaa aqutsinermit ilaasortat aqutsinerat qaqugukkullunniit inatsisitigut akisussaasuusut ukiumoortumit nalunaarut ilaatigut suliarineqarsimasoq inatsisit naapertorlugit, aamma eqqortumit takussutissiisooq.

### **3.7. Suliffiutini pigineqartuni aalajangersimasuni (suliffiutit akunnattumik angissusillit naatsorsui-nermi immikkoorut C-mut ilagitinneqartut) naatsorsuutitut piumasaqaatinik annikillisitsineq**

Suliffiutit pigineqartut, tassaasut suliffiutit akunnattumik angissusillit naatsorsuineri immikkoorut C-mut ilagitinneqartut, periarfissaqalerput malittarisassat annikinnerusumik piumasaqaatillit naaper-torlugit naatsorsuineri immikkoorut B-mut ilagitinneqartut ukiumoortumik nalunaarusior-sinnaalerlutik. Tamanna pivog ukiumoortumik naatsorsuusiortarnermik inatsimmi § 78 a naapertorlugu.

Suliffiutit pigineqartut periarfissamik tamatuminnga atuisut nangittumik kukkunersuorneqartasapput, kisianni suliffiutit pigineqartut taamaalinerani atussavaat Erhvervstyrelsen nalunaaruteqarnermi suliffinnut mikisunut atortitai, soorlu eqqartorneqartut imm. 3.5.5.-imi.

Atortitsinnginnermik atuineri suliffiutit pigineqartunut ingerlassaqanngitsunut ukiumoortumik nalunaaruteqartanngitsunut taarsiullugulu pinngitsoorsinnaanermi Erhvervstyrelsimut nalunaaruteqassallutik ukiumoortumik naatsorsuusiortarnermik inatsimmi § 6 naapertorlugu, piumasaqaatit assingi atupput. Tamanna ilaatigut isumaqarpoq suliffiut piginnittuusoq suliffiup pigineqartup pisussaaffiitut tamanut akisussaasuussasoq, soorlu suliffiutit pigineqartup naatsorsuutit ingerlatsiviup naatsorsuutaanut, suliffiummit piginnittumit suliarineqarsimasut, ilagitinneqassasut. Aammattaaq piumasaqaataavoq ingerlatsiviup taassuma naatsorsuutit Erhvervstyrelsimut nassiunneqassasut.

### **3.8. Naalagaaffiup aktianik piginnittut suliffiutaasa suliffiutit pigisaannut naatsorsuutitut piumasaqaatinik annikillisitsineq**

Naalagaaffiup aktianik piginnittut suliffiutit naatsorsuutitut immikkoorut D-mut ilagitinneqarput.

Naatsorsuineri immikkoorut D tassa naatsorsuineri immikkoorut naatsorsuutitut tunniussinissami amerlanerpaamik piumasaqaateqarfiusoq, imm. 2.2.-mi eqqartorneqartutulli.

Suliffiutit naalagaaffiup aktianik piginnittut suliffiutaanit pigineqartut naatsorsuusiortarnermik inatsimmi malittarisassat naalagaaffiup aktianik piginnittut suliffiutaanut atuuttut malissallugit pisussaajunnaarput. Suliffiutit pigineqartut taamaalillutik naatsorsuineri immikkoorut B-mi ilagitinneqartunut (suliffiutit mikisut) imalunniit C-mut ilagitinneqartunut (suliffiutit akunnattumik angissusillit aamma angisuutut angissusillit) malittarisassanut ilagitinneqalerput, suliffiutit ataatsip angissusia apeqqaatillugu.

### **3.9. Suliffiutitut pappiaranik nalilinnik niuerfinni nalunaarsimasunut, ingerlatsivittut nunani tamalaani naatsorsuusiortarnermi atuuttut (IFRS)malillugit naatsorsuusiortartunut, naatsorsuutitut piumasaqaatinik annikillisitsineq**

Suliffiutit piginnittuusoq pappiaranik nalilinnik niuerfimmi nalunaarsimasoq ingerlatsivittut nunani tamalaani naatsorsuusiortarnermi atuuttut IFRS malillugit naatsorsuusiortartuq, IFRS malillugu ukiumoortumik naatsorsuusiortarnermik pisariaqanngilaq, kisianni ukiumoortumik naatsorsuusiortarnermik inatsit naapertorlugu. Ingerlatsivittut naatsorsuutit suliarineqassapput IFRS malillugu. Suliffiutit pappiaranik nalilinnik niuerfinni nalunaarsimasut ingerlatsivittut naatsorsuusiortanngitsut taamaattoq maannamutulli IFRS malillugu naatsorsuutiminnik suliaqartassapput, tak. ukiumoortumik naatsorsuusiortarnermik inatsimmi § 137.

### **3.10. Ukiumoortumik nalunaarutit tuluttut oqaasertallit**

Suliffiutit ukiumoortumik naatsorsuusiortarnermik inatsimmut ilagitinneqartut, periarfissaqalerput ukiumoortumik nalunaarutiminnik tuluttuinnaq oqaasilimmik nassiussisassallutik, tak. ukiumoortumik naatsorsuusiortarnermik inatsimmi § 138, imm. 4, tamatumunnga piumasaqaatit naammassineqarsimagaangata. Tamakku tassa soorlu aktianik anpartinillu suliffiutitut piumasaqaatit ataatsimeersuarnermi aalajangerneqarsimasoq ukiumoortumik nalunaarut suliarineqarlunilu saqqummiunneqassasoq tuluttuinnaq oqaasilittut, aamma aalajangerneq malittarisassani ilanngunneqarsimassasoq, tak. ingerlatsiiviit pillugit inatsimmi § 100 a.

Aningaasaateqarfiit inuussutissarsiutinik ingerlatsisut pillugit inatsimmi § 11, imm. 4-mi nutaami takuneqarsinnaavoq Erhvervstyrelsi malittarisassanik aalajangersaasinnaasoq aningaasaateqarfinnut inuussutissarsiutinik ingerlatsisunut ukiumoortumik nalunaarutit tuluttuinnaq oqaasilittut suliarineqarsinnaasut.

Suliffeqarfiit anginerusut immikkoortuutit naatsorsuutini oqaatsitigut piumasaqaatitut maannamutulli atuuppoq ukiumoortumik naatsorsuusiortarnermik inatsimmi § 143.

### **3.11. Naatsorsuutini nalunaakkanik ilanngussisarnermi uuttuinernilu (nalinginik aalajangersaa-nermi) allannguutit**

Naatsorsuusiortarnermik inatsimmi immikkoortut pingaarnerpaat ilagaat naatsorsuutitut ilanngussisarnermi uuttuinernilu (nalinginik aalajangersaanermi) naatsorsuinermi immikkoortut ataasiakkaat.

Ataani immikkoortuni ilanngussisarnermi uuttuinermilu malittarisassani allannguutit pingaarnerit.

#### **3.11.1. Suliffeqarfiup aningaasatigut tunuliaqutaanik (naatsorsuinermi immikkoortut B, C, aamma D) akilerneqarsimanngitsunik ilanngussisarneq**

Ingerlatsiiviit pillugit inatsisut nutaaq periarfissaqalersitsivoq suliffeqarfimmut aningaasatigut tunuliaquttanik atysiorneqarsimasunik aamma nalinginik qaangiineq piffissami pilersitsiffiusumi tamakkiisumik akilereersimasariaqannigtsut. Taamaaqutaanik atuuppoq aningaasatigut tunuliaquttat kingusinnerusukku qaffanneritut. Tamatuma akilereerneqarsimanngitsortaa akileqqullugu piumasaqaatigineqarsinnaavoq.

Suliffeqarfiup tunuliaqutaanik akilerneqarsimanngitsunik aamma nalinginik qaangiisunik naatsorsuutitigut suliarinninneq aqunneqarpoq ukiumoortumik naatsorsuusiortarnermik inatsimmi § 35 b-kkut, taanna atuuppoq suliffiutitut naatsorsuinermi immikkoortut B-mut, C-mut D-mullu ilatiginneqartunut, aamma ukiumoortumik naatsorsuusiortarnermik oqimaaqatigiissitsinermut takussutissiani ilanngussa 2-mi.

#### **3.11.2. Nammineq aningaasatigut tunuliaqutarisat oqimaaqatigiissitsinermut ilanngunneqarsinnaajunnaarput (naatsorsuinermi immikkoortut B, C, aamma D)**

Ukiumoortumik naatsorsuusiortarnermik inatsimmi § 35, periarfissaqartitsisoq nammineq aningaasatigut tunuliaquttat oqimaaqatigiissitsinermut ilangunnissaannik, atorunnaarsinneqarpoq.

Ingerlatsiiviit pillugit inatsisikkut nutaakkut suliffiutit aningaasatigut tunuliaqutserneqarsimasut periarfissiisoq nammineq tunuliaqusiissutinik pissarsisinnanermik annertuumik annertusisinne-

qarsimavoq. Aningaasatigut nammineq tunuliaqtsiissutit pigisatut nalilittut ilanngunnerat takutit-sisinnaavoq suliffiup aningaasalersuinikkut inissisimaneranik eqqunngitsumik. Peqatigitillugu nunani tamalaani atuuttuusut, IFRS, pisinnaatinngillat, nammineq tunuliaqtsiissutit oqimaqatigiissitsinermi nalilittut ilannguneqartassasut. Taamaattumik nammineq aningasatigut tunuliaquttat pigisatut nalilittut oqimaaqatigiissitsinermut ilanngunnissaat atorunnarsinneqarpoq.

Tamanna isumaqarpoq nammineq aningaasatigut tunuliaquttat tamatuma kingorna pissarsiarinerisa nalaanni nammineq pigisanit ilanngaatineqartassasut.

### **3.11.3. Aallarnisaasutut suliffiutini (naatsorsuinermi immikkoorut B) aningaasatigut tunuliaqtit piorsarnissaannut sillimmatit**

Aallarnisaasutut suliffiut anpartinik suliffiutilittut immikkut ilusiliuvoq, ingerlatsiviit pillugit inatsimmi nutaami pilersinneqarsinnaavoq suliffiummut 1 kr.-mik tunuliaqutaqarluni. Aallarnisaasutut suliffiutip annikinnerpaamik suliffiutip iluanaarutaasa 25 pct.-at sillimmatitut nikisinneqarsinnaangitsutut suliffiutip piorsarnissaannut aningaasatigut tunuliaquttatut, sillimmatit taakku suliffiup tunuliaqutaa peqatigalugu 50.000 kr.-nik annertussuseqalernissaata tungaanut.

Taassuma saniatigut aallarnisaasutut suliffiutip allatigut iluanaarutit iluanaarniutigisinnaangilai, aallarnisaasutut suliffiutip suliffiutitut tunuliaqutaa piorsaanissamulu suliffiup aningaasatigut tunuliaqutaanit sillimmatai katillutik 50.000 kr.-nik annertussuseqalerserlugit.

Sillimmatinik nikisinneqarsinnaangitsunik inissiinermik naatsorsuuserinikkut suliaq, qulaani taaneqartoq, aqunneqarpoq ukiumoortumik naatsorsuusiortarnermik inatsimmi § 35 c-kkut, taanna atuuppoq suliffiutitut naatsorsuinermi immikkoorutitut B-mut, C-mut aamma D-mut ilagitin-neqartunut, aamma oqimaaqatigiissitsinermut takussitissiani ukiumoortumik naatsorsuusiortarnermik inatsimmut ilanngussaq 2-mi.

### **3.11.4. Ukiumut iluanaarutitut siunnersuut (naatsorsuinermi immikkoorutit B, C, aamma D)**

Ukiumut naatsorsuusiortarnermik inatsimmi § 48 atorunnaarsinneqarpoq. Ukiumut iluanaarutissatut siunnersuut taamaattumik allassimasumi ” Ukiumoortumik naatsorsuutitut iluanaarutissatut siunnersuut”-mi pisussaaffitut ilanngunneqarsinnaajunnaarpoq, kisianni tamatigut ilannguneqartassalluni nammineq tunuliaquttani.

Tamanna atuuppoq naatsorsuinermi immikkoorutitut B-mut, C-mut aamma D-mut.

### **3.11.5. Nioqqutissanik pigisat nalingisa pigisanilu kaaviiartitat allat qaffannerat (naatsorsuinermi immikkoorut B, C, aamma D)**

Ukiumoortumik naatsorsuusiortarnermik inatsimmi § 46 imatut allanngortinenqarpoq periarfissaajunnaarlugu nioqqutissanik pigisat pisiareqqinissaannut nalingannut qaffassinnaallugit. Kaaviiartitatut pigisat allat aamma qaffaavigineqarsinnaajunnaarput.

Allannguutitut atupput naatsorsuinermi immikkoorutitut B-mut. C-mut aamma D-mut.

### **3.11.6. Aningaasalersuisutut suliffik aamma nunalerineq (naatsorsuinermi immikkoorutit B, C aamma D)**

Suliffiutit aningaasalersuinermik illuutillit, periarfissaqalerput ingerlaavartumik iliuitsinik maanna nalingannut nalunaarsussallugit. Piumasaqaataajunnaarpoq aningaasalersuineq suliffiup suliassaatut pingaanerusuussasoq. Aalajangersagaq siornatigut allatigut aningaasalersuinermik ilaqarsimasoq killilerneqarpoq taamaallaat illuutinut aningaasalersuinermit tunngatilerlugu, tak. ukiumoortumik naatsorsuusiortarnermik inatsimmi § 38. imm. 1. Aalajangersagaq atornerarsinnaangilaq akiit-sukkanut aningaasalersuinermik suliffimmut tunngasunut.

Suliffiit nunalerinermik ingerlatsisut aamma periarfissaqalerput uumassusilinnik pigisaminnik maan-namut nalingisut nalunaarsuissallutik, naak nunalerinermik suliffik tassaangikkaluartoq suliffimmi suliniut pingarneq, tak. § 38, imm. 2.

Namineq aningaasatigut tunuliaquttanit sillimmatini pisussaaffiujunnaarpoq pigisat maannamut nalinginut nalunaarsorneri qaffatsissallugit, suliffiutip § 38-mi periarfissaq atorsimappagu ingerlaavartunmik pigisat maannamut nalinginut nalunaarsorlugit.

Allannguutit atuupput naatsorsuinermi immikkoorutinut B-mut, C-mut aamma D-mut.

### **3.11.7. Sanaartukkanik pigisat nalillit tigussaangitsut (naatsorsuinermi immikkoorutit B, C aamma D)**

Ajornarunnaarpoq sanaartornermi pigisat nalillit tigussaangitsut maanna nalinginut qaffatsissallugit, niuerfinni ingerlasumik nioqputigineqarpata, tak. ukiumoortumiknaatasorsusiortarnermik inatsimmi § 41, imm. 1. Tamakku tassaasinnaapput killilersukkat (taakununga ilaallutik CO 2-tut killilersukkat, pappiaranik nalilinnik nioquteqarfimmi nioqputigineqartut.

Sanaartukkanik suliani tigussaannngitsuni annertunerpaamik ukiumi 20-ni nalikilliliinissamik piumasaqaat atorunnaarsinneqarpoq. Sanaartukkanik suliat tigussaangitsut, tassunga ilagitillugu, tutsuiginnittumik ajunngisaarneq, atuuffiup nalinganut nalikillilerneqarsinnaavoq. Tutsuigalugu ajunngisaarneq ineriartortitsinermillu suliniutit eqqarsaatigalugit atuuffissamik piffissaliinermik tutsuiginartumik missingiineq qaqutiguuissumik ajornartoq, atuinissamik piffissalineq ukiumut 10-nut aalajangerneqarsimavoq, tak. ukiumoortumik naatsorsuusiortarnermik inatsimmi § 43, imm. 3.

Allannguutit atuupput naatsorsuinermi immikkoorutini B-mut, C-mut aamma D-mut.

### **3.11.8. Oqimaaqatigiissitsinermik ineriartortitsinermi suliniutinik ilanngussisinaanermi pisussaajunnaarsitsineq (suliffiutit akunnattumik angissusillit naatsorsuinermi immikkoorut C-mi)**

Suliffiutini naatsorsuinermi immikkoorut B-mut ilagittinneqartuni pisoqartutulli suliffiutit akunnattumik angissusillit naatsorsuinermi immikkoorut C-mut ilagittinneqartut pisussaajunnaarsitaapput ineriartortitsinermi suliniutinik oqimaaqatigiissitsinermi ilanngussissallutik, ta, tak. ukiumoortumik naatsorsuusiortarnermik inatsimmi § 83.



Ineriartortitsinermik suliniutinik ilassussinissamik piunasaqaat taamaalilluni taamaallaat suliffiutitut angisuumik angissusilinnut naatsorsuinermi immikkoortut C-mut ilagitinneqartuni aamma suliffiutitut naatsorsuinermi immikkoortut D-mut ilagitinneqartunut atuuppoq.

Suliffiutitut akunnattumik angissusillit oqimaaqatigiisitsinermi ineriartortitsinissamik ilanngus-sinissamik pisussaajunnaaraluarlutik suliffiutitut tamakku taamaattoq nangittumik aqutsisut suliffi-ummi suliffiummullunniit nalunaarsussavaat ilisimatusarnermik aamma ineriartortitsinermik sulini-utit, tak. § 99, soorlu aamma taamaattoq suliffiutitut angisuumik angissusillit naatsorsuinermi immik-koortut C-mut ilagitinneqartut aamma suliffiutitut naatsorsuinermi immikkoortut D-mut ilagitinneqartut.

### **3.11.9. Nammineq tunuliaquttanik nalunaarsuineq ukiumoortumik immikkuullarissumik pinnguu-titut (naatsorsuinermi immikkoortut C aamma D)**

Suliffiutitut naatsorsuinermi immikkoortut C-mut ilagitinneqartut (suliffiutitut akunnattumik angisuumillu angissusillit) aamma naatsorsuinermi immikkoortut D-mut ilagitinneqartut (naalagaaffiup aktianik piginnititut suliffiutit aamma suliffiutit pappiaranik nalilinnik niuerfinni nalunaarsimasut) pisussaalerput nammineq tunuliaquttanik piviusumik nalunaarsuinissamik, inissimasussamik ukiumoortumik naatsorsuutini pinngutitut immikkuullarissutut, tak. ukiumoortumik naatsorsuisarnermik inatsimmi § 86 a nutaaq.

Nammineq tunuliaquttanik nalunaarsuineq suliffiutitut tamakkuninnga siornatigut inissimasarpoq ukiumoortumik naatsorsuutitut oqaaseqaatitut § 87 a-usimasoq maanna atorunnaartoq naapertorlugu. Nammineq tunuliaquttanik nalunaarsuinissamik imarisassatigut § 86 a-mi piunasaqaatit taamaattoq assigaat § 87 a-usimasoq atorunnaartoq. Taamaattumik paasisutissat inissinnerisa nikisinnerat kisimi pineqarpoq.

Suliffiutitut naatsorsuinermi immikkoortut B-mut ilagitinneqartunut (suliffiutitut mikisut) innersuusutigineqarpoq imm. 3.12.4.

### **3.12. Aqutsisut nalunaarutaannut paasisutissiissutissanut tunngasunik allanngineq aamma ukiumoortumik naatsorsuutitut oqaaseqaatit**

Ukiumoortumik naatsorsuusiortnermik inatsit imaqarpoq piunasaqaatinik suliffiutitut arlalinnik paasi-sitsisuteqartassasut naatsorsuutit naammasserannut oqimaaqatigiisitsinermullu kisitsisutitigut inissitsiterinernut tapiutaasunik. Paasisutissat tamakku ilaat tunniunneqassaapput oqaaseqaatitut paasisutissiissutitut, allalli paasisutissiissutit aallaavittut tunniunneqassallutik aqutsisut nalunaarutaanni – imalunniit tamatumunga atasumik. Paasisutiissutilli allatigut taamatigut tunniunneqarsinnaapput oqaaseqaatini aqutsisut nalunaarutaaniunngitsaq, imaassimangippat tamatuma kingunerissagaa paasisutissiissutit taamalillutik erseqqissumik pasilerorumartumillu saqqummiunneqarsinnaassanngitsut.

Suliffiutitut naatsorsuinermi immikkoortut B-mi ukiumoortumik naatsorsuusiortnermik inatsit imaqarpoq paasisutissiissutissanik piunasaqaatinik ikittuaqqanik, suliffiutinulli naatsorsuinermi

immikkoorutit C-mut D-mullu saniatigut arlalinnik piumasaaqateqarpoq, imaluunniit immikkuualuttortaqaqarnerusumik piumasaaqateqarluni.

Immikkoortut ataanni matuma ataani eqqartorneqarput aqutsisut nalunaarutaannut paasissutissiisutitut aamma naatsorsuutitut oqaaseqaatitut piumasaaqatit.

### **3.12.1. Aqutsisut nalunaarutaat (naatsorsuinermit immikkoortut B)**

Ukiuoorutit naatsorsuusiortarnermit inatsimmi § 76 a-mi aamma § 77-imi malittarisassat maannamut atuuttut ataatsimoorutit allanneqarsimapput § 76 a-p allaganngortinnerani nutaami, suliffiutit naatsorsuinermit immikkoortut B-mut ilagittinneqartuni (suliffiutit mikisut) attuttumi.

§ 76 a nutaap aalajangersarpaa suliffiutit tamakku aqutsisut nalunaarutaannik suliaqartassasut makku-ninnga paasissutissiisunik

- 1) suliffiup suliniutai pingarnerit aamma
- 2) Suliffiup suliniutaani aningaasaqarnikkullu pissutsini pingaarutilimmik allanngutaasimasinnaasut

Paasissutissiisutit imarisassaannik piumasaaqatit taamalillutik siornatigumut assingupput.

Siornatigut taaneqareersutulli taamaattoq suliaqartassasut tamanut atuuttumik pissusiuvooq paasissutissiisutit ukiuoorutit naatsorsuusiortarnermit inatsit napertorlugu aqutsisut nalunaarutaatigut tunniunneqartassasut, imaassimappat tamanna pisoq ukiuoorutit nalunaarutit paasilertoruminartumik suliarineratigut.

§ 76 a-mi nutaami paasissutissiisutit paasilertoruminartumik ukiuoorutit naatsorsuusiortarnermit inatsimmi oqaaseqaatitut tunniunneqarsinnaappata, suliffiup toqqarsinnaavaa taamaaliornissani aqutsisullu nalunaarutaat suliarinagu. Paasissutissiisutit oqaaseqaammi ilanngunneqarsimappata, ukiuoorutit naatsorsuutit kukkunerisiornerisinnaasaannut ilagittinneqarsinnaapput, oqaaseqaatit ukiuoorutit naatsorsuutitut ilaasutut immata. Paasissutissiisutit aqutsisut nalunaarutaannut ilanngunneqartunik kukkunerisiorneqartussaasinnaanermut ilaassanngillat. Tamanna erseqqinnerusumik eqqartorneqarpoq immikkoortuq 3.5.1-imi.

Suliffiutitut naatsorsuinermit immikkoortumut C-mut (suliffiutit akunnattumik aamma angisuumik angissusillit) aamma D-mi (naalagaaffiup aktianik ingerlatsivittut aamma suliffiutit pappiaranik nalilinnik nalunaarsimasutut nalunaarsimasut) allannguutitut qulaani pineqartunit attorneqanngillat.

### **3.12.2. Aktianik annertuumik pigisallit pillugit paasissutissat (naatsorsuinermit immikkoortut B, C aamma D)**

Ingerlatsiviit pillugit inatsimmi nutaami eqqunneqarpoq piginnittut pillugit nalunaarsuut tamanut ammasooq, tamatumani suliffiutit aktianik piginnittut anpartinillu piginnittut, aningaasatigut tunuliaqutaasunik imaluunniit annertussutsimi aalajangersimasumi taasisinnaanisamut pisinnaatitaasut pillugit, paasissutissanik nutarsaasinnaapput. Tamanna erseqqinnerusumik

eqqartorneqarpoq aktianik anpartinillu ingerlatsiviit (ingerlatsiviit pillugit inatsit) pillugit inatsisip peqqussutitut Kalaallit Nunaannut atuutsilernissanut missiliummi pingaarnersuinerimi immikkoortoq 3.7-imi. Tamatuma kinguneranik ukiumoortumik naatsorsusiortarnermik inatsimmi § 74 aktianik ingerlatsiviit nalunaarutaanni aktianik annertuumik piginnittuusut pillugit paasisutissiisarnissaq, atorunnaarpoq.

### **3.12.3. Suliffiutinut mikisuaqqanut (suliffiutit mikisuaqqat naatsorsuinerimi immikkoort B) nalunaaruteqartarnissamik piunasaqaatinut aalajangersimasunit minitsinissat**

Nalunaaruteqarnissamik piunasaqaatit suliffiutinut mikisuaqqanut naatsorsuinerimi immikkoort B-mut ilagitinneqartunut, suliffiutinik mikisuaqqanik taagorneqartunut, naatsorsuusiortarnermik inatsimmi § 22 a-mi nassuaaserneqartuni, annikillisinneqarput. Suliffiutit mikisuaqqat, § 22 b-mi takuneqarsinnaasutulli, nalunaaruteqarnissamik naammissinninnissamut mininneqarput.

Suliffiutit mikisuaqqat tassaapput suliffiutit mikisut naatsorsuinerimi immikkoort B-mut ilagitinneqartut, ukiuni malittuni marlunni ullormi oqimaqatigiissutsivimmi annertuussusissanit pingasunit makkunnnga marlunnik qaangiisut, tak. § 22 a, imm. 1.:

Naatsorsuutit inernerit 2, 7 mio. kr.-usut,  
kaaviiartitat ilanngaaseriikkat 5, 4 mio. kr.-usut, aamma  
Piffissami tamarmik sulisitat 10.

Suliffiutit ilaat, annertussusissanik qulaani taaneqartumik naammassinnittut, taamaattoq § 22 b-mi minitsinerit atorsinnaangilaat. Pineqartut tassa piginnittut ingerlatsiviit, aningaasalersuisutut suliffiutit aamma suliffiutit ullormi oqimaqatigiissitsivimmi pisinnaatitaaffeqartut imalunniit pisussaaffeqartut isumaqatigiissutaasimasut inernerinik aningaasalersuinerimi atortunik attuumassuteqartunik malinnissaallutik.

Suliffiutit mikisuaqqat piunasaqaatini makkunani mininneqarput, tak. § 22b:

1. naatsorsuinerimi ingerlatsinermik atortumik paasisutissiineq,
2. akiitsukkat, ullormit oqimaqatigiissitsinermiit ukiut 5 sinnerlugit akilereersimasassanik paasisutissiineq
3. nalunaakkat immikut ittut aalajangersimasut pillugit paasisutissiineq, aamma
4. Ukiumi naatsorsuiffimmi sulisitat agguaqatigiissitsilluni amerlassusiannik paasisitissineq

Suliffiutit mikisuaqqat § 22 b-mi minitsinerimi ataatsimi arlalinnillunniit atuisut, §§ 37 -mi aamma 38-mi ingerlaavartumik ullormut nalilersuinerimut malittarisassat atorsinnaangilaat.

### **3.12.4. Nammineq tunuliaqutaqarnermik nalunaarsuinissamik piunasaqaammit minitsineq (naatsorsuinerimi immikkoort B)**

Ukiumoortumik naatsorsuusiortarnermik inatsimmi § 56 atorunnaarsinneqarpoq. Tamanna isumaqarpoq suliffiutit naatsorsuinerimi immikkoort B-mit ilagitinneqartut (suliffiutit mikisut) nammineq tunuliaqutarisanik nikerarnerit ukiumoortumik nalunaarummut oqaaseqaatit paasisitsissutigisinnaajunnaaraat.

Aammattaaq piunasaqaatigineqangilaq suliffiutit taakku namineq tunuliaquttanik nalunaarsuutit ukiumoortumik naatsorsuutitut immikkut pinnguutitut ilanngusinnaangikkaat.

Suliffiutitut naatsorsuinermit immikkoortut C-mut ilagitinneqartunut (suliffiutit akunnattumik aamma angisuumik angissusillit) aamma naatsorsuutit immikkoortut D-mut ilagitinneqartut (naalagaaffiup aktianik piginittut suliffiutit aamma suliffiutit pappiaranik nalilinnik niuernermit nalunaarsimasut) innersuunneqarpoq immikkoortoq 3.11.10.

### **3.12.5. Suliffiutit pigineqartut aamma suleqatitut suliffiutit pillugit paasissutissat aamma interessent- aamma kommandit selskabinut, suliffiup soqutigisaqataanut attuumassuteqarfisaanullu paasissutissat**

#### **3.12.5.1. Suliffiutit naatsorsuinermit immikkoortut B-mut ilagitinneqartut**

Ukiumoortumik naatsorsuusiortarnermit inatsimmi § 72 atorunnaarpoq. Tamanna isumaqarpoq suliffiutit naatsorsuinermit immikkoortut B-mut (suliffiutit mikisut) ilagitinneqartut pisussaajunnaartut suliffiutit pigisat aamma suliffiutit attuumassuteqarfisat, aamma interessent – aamma kommandit selskabit, suliffiup sioqutisaqatai attuumassuteqarfisaalu pillugit paasissutiissallutik.

#### **3.12.5.2. Suliffiutit naatsorsuinermit immikkoortut C-mut D-mullu ilagitinneqartut**

Suliffiutit naatsorsuinermit immikkoortut C-mut (suliffiutit akunnattumik aamma angisuumik angissusillit) aamma naatsorsuinermit immikkoortut D-mut (naalagaaffiup aktianik piginittut suliffiutit aamma suliffiutit pappiaranik nalilinnik niuerfinni nalunaarsimasut) ilagitinneqartut paasissutissiissapput paasissutissanik manna tikillugu suliffinnut pigineqartunut aamma suliffeqarfinnut attuumassuteqarfisanut tunniussat assinginik aamma interessent- aamma kommandit selskabinut suliffiup peqataafigisaanut paasissutissanik.

Suliffeqarfinnut taakkununga ukiumoortumik naatsorsuusiortarnermit inatsimmi § 72-iusimasumi paasissutissiinissamik piunasaqaatit taamaalilutik § 97 a-mi nutaami ingerlateqqinneqarput. Taa-maattoq ugguuna allanguineqarsimavoq siornatigut § 72, imm. 3, nr. 2 aamma 3-mi minitsinissamik periarfissat § 97 a-mi nutaami ingerlateqqinneqanngimmata.

Tamanna isumaqarpoq nammineq tunuliaquttat aamma inernerit pillugit paasissutissat pisumi pineqartumi mininneqarsinnaangitsut, naak suliffiutit pigineqartut imaluunnit attuumassuteqarfineqartut suliffiutit ingerlatsivittut naatsorsuutasasa patajaalisarneranni ilaagaluartut. Paasissutissat aamma mininneqarsinnaangillat, naak suliffiutit tunuliaquttatut piginneqataasutit suliffit pigisat attuumassuteqarfittullunnit taassuma naatsorsuutitigut ilumini naleqartitaanut ilanngukkaluarai.

### **3.12.6. Suliffiutitut inuussutissarsiutitut aningaasaateqarfinnut (naatsorsuinermit immikkoortut C aamma D) qanittumik peqataalersussat pillugit paasissutissat**

Suliffiutit naatsorsuinermi immikkoorutini C-mi (suliffiutit akunnattumik aamma angisuumik angissusillit) aamma naatsorsuinermi immikkoorut D-mut (naalagaaffiup aktianik piginnittut suliffiutai aamma suliffiutit pappiaranik nalilinnik niuerfinni nalunaarsimasut) ilagitinneqartut nalunaarsussavaat qanittumik peqataalersussat pillugit nuussinerit, tak. ukiumoortumik naatsorsu-siortarnermik inatsimmi § 98 c. Aningaasaateqarfinnut inuussutissarsiutinik ingerlassaqartunut taamaattoq qanittumik suleqatigiligassanut nuussinerit immikkut malittarisassaqqarpoq, immikkoortoq 3.12.9-mi eqqartorneqartussanik.

Qanittumik suleqatigisassat paasineqassaput tasaanerusut inuit imaluunniit suliffiutit periarfissaqartut aalajangernernik pinngitsooratik suliffimmi atuilersitsissallutik (aalajangiisumik sunniuteqarneq), imaluunniit ingerlatsinermi imaluunniit aningaasalersuinermi aalajangernernut annertuumik sunniuteqartut (pingaartumik sunniuteqarneq).

§ 98 c allanngortinneqapoq imaalillugu, suliffiutit toqqarsinnaagaat qanittumik peqatigisanut nussuinerit tamaasa paasisitsissutigissallugit (paasisitsissutigiginagu niuffannerni atuut nalinginnaasut malinneraat) imaluunniit nussuinermik paasissutissat nussuinerit niuffannerni attuttut nalinginnaasut malillugit aalajangerneqarsimanersunut killilerlugit.

§ 98 c atuuppoq suliffiutinut naatsorsuinermi immikkoorutinut C-mut aamma D-mut ilagitinneqartunut. Suliffiutit naatsorsuinermi immikkoorut B-mut ilagitinneqartut (suliffiutit mikisut) pisussaaffeqanngillat qanittumik peqatigisanut nussuinermik paasissutissiissallutik, imaassimanngippat pineqartoq aningaasaateqarfik inuussutissarsiortarnermik ingerlatalik, ataani immikkoortumi eqqartorneqartut.

### **3.12.7. Aningaasaateqarfinnut inuussutissarsiortarnermik ingerlataqartunut aqutsisut aningaasanik pissarsisarnerannik aamma qanittumik peqatigisanut nussuinermik paasissutissiisarnermik malittarisassat immikkut ittut**

Ukiunmoortumik naatsorsuusiortarnermik inatsimmi § 69 nutaaq ivertinneqarpoq, taanna taamaallaat aningaasaateqarfinnut inuussutissarsiortarnermik ingerlataqartunut atuuppoq. § 69 atuuppoq aningaasaateqarfinnut inuussutissarsiortarnermik ingerlataqartunut naatsorsuinermi immikkoorut B-mut ilagitinneqartunut (aningaasaateqarfiit inuussutissarsiortarnermik ingerlataqartut mikisut) aamma naatsorsuinermi immikkoorut C-mut ilagitinneqartuni (aningaasaateqarfiit inuussutissarsiutinik ingerlataqartut akunnattumik aamma angisuumik angissuseqartut).

§ 69, imm. 1 aamma 2-p imaraat aalajangersakkat immikkut ittut arlallit tunngassuteqartut aningaasaateqarfinni inuussutissarsiutinik ingerlataqartuni aqutsisunut ilaasortatut aningaasanik pissarsisarnermut il.il. Tamanna ilaatigut isumaqqarpoq aningaasaateqarfiit inuussutissarsiortarnermik ingerlatsisut mikisut aamma aqutsisunut aningaasanik pissarsisitsisarneq pillugu paasissutissisassasut. Pineqarput aningaasatigut pissarsiat aningaasaateqarfiit tunniunneqartartut aamma ingerlatsivimmi aningaasat pissarsiat.

§ 69, imm. 3-p imaraa aalajangersagaq immikkut ittoq qanittumik peqatinut nuussinerit paasissutissiineq pillugu, taanna atuuppoq aningaasaateqarfinnut inuussutissarsiutinik ingerlataqartunut naatsorsuinermi immikkoorut B-mut (aningaasaateqarfiit inuussutissarsiortarnermik ingerlatalit mikisut) aamma naatsorsuinermi immikkoorut C-mut (aningaasaateqarfiit inuussutissarsiutinik ingerlataqartut akunnattumik aamma angisuumik angissusillit) ilagitinneqartunut. Aningaasaateqarfiit inuussutissarsiutinik ingerlataqartut taamaalillutik paasissutissiisassapput qanittumik peqati-

nut nussuinernut tunngasunik, apeqqutaatinnagu niuffaffinni attuuttut nalinginnaasut malillugit naammassineqarsinersut imalunniit naami.

### **3.12.8. Aaqqissukkanut oqimaaqatigiissitsinermi ilanngunneqarsimannngitsut pillugit paasissutissiineq (naatsorsuinermi immikkoorutit C aamma D)**

Piumasaqaat atortuulersinneqarpoq suliffiutit naatsorsuinermi immikkoorut C-mut ilagittinneqartut (suliffiutit akunnattumik aamma angisuunik angissusillit) aamma suliffiutit naatsorsuinermi immikkoorut D-mut ilagittinneqartut (naalagaaffiup aktianik piginnittutut suliffiutai aamma suliffiutit pappiaranik nalilinnik niuerfinni nalunaarsimasut) paasissutisiisassasut aaqqissukkat oqimaaqa-tigiissitsinermi ilanngunneqarsimannngitsut pillugit, tak. ukiumoortumik naatsorsuusiortarnermik inatsimmi § 94 a.

Tamatumani eqqarsaatigineqarpoq suliffiutinik imalunniit suliniutinik immikkut aningaasarsiornermut, inatsisiliornermut, akileraartarnermut imaluunniit naatsorsuuserinermut siunertanut immikkut ittutut atuineq. Paasissutissat oqaaseqaatini saqqummiunneqassapput. Paasissutissalli taamaattoq taamaallaat saqqummiunneqarsinnaapput suliffiutip aningaasalersugaanikkut inissisimaneranik naliliinissamut pisariaqartuugunik.

§ 94 a isigineqassaaq ukiumoortumik naatsorsuusiortarnermik inatsimmi §§ 64, 90 b, 94 aamma 94 b pisussaaffiusinnaasut aamma pigisat il.il pillugit paasissutissiinissamik malittarisassanut ilaassutitut.

§ 94 a taamaalilluni taassaavoq aalajangersasgaq katiterutaasoq siunertaqartoq qularnaassallugu suliffiutit navialiffiusinnaasunik iluaqutinillu aaqqissuinermik, pigisatut nalingi pisussaaffiilu oqimaaqatigiissutsinermi avaqqutsisunik, ilusiliinikkut peqataanikkullu toqqorsisannnginnissaat.

### **3.12.9. Inuiaqatigiinnut akisussaaneq pillugu nassuiaat (naatsorsuinermi immikkoorutit C aamma D)**

Suliffiutit angisuut naatsorsuinermi immikkoorut C-mut ilagittinneqartut aamma suliffiutit naatsorsuinermi immikkoorut D-mut ilagittinneqartut (naalagaaffiup aktianik piginnittutut suliffiutai aamma suliffiutit pappiaranik nalilinnik niuerfinni nalunaarsimasut) aqutsisut nalunaarutaat ilassuteqartittaassavaat inuiaqatigiinnut akisussaaneq pillugu nassuiaammik, tak. ukiumoortumik naatsorsuusiortarnermik inatsimmi § 99 a.

Suliffiutit inuiaqatigiinnut akisussaanagerat paasineqassaaq, suliffiutit ilagitissagaat mianerininnerit ilaatigut inuit pisinnaatitaaffiinik, inooqatigiinnermi pissutsinik, avatangiisinik silallu pissusiani pissutsinik aamma namminneq ingerlatsinermik iliussissiaminni ingerlatsivittullu suliniutiminni peqquserlunnermik akiuiniarneq.

Tuluttut suliffiup inuiaqatigiinnut akisussaanagera taaneqartarpoq Corporate Social Responsibility (Ingerlatsiviit Inooqatigiinnermut Akisussaaqataanagerat), naalisarlugu CSR.

Nassuiaat aqutsisut nalunaarutaatigut saqqummiunneqassaaq. Suliffiutillilli toqqarsinnaavaa nassuiaammik tamanut saqqummiussineq ukiumoortumik nalunaarummut ilaassutitut, tamatumani innersuussutigalugu aqutsisut nalunaarutaat imalunniit suliffiup nittartagaani tassani aqutsisut nalunaarutaat innersuussutigalugu.

Suliffiutitut ingerlatsiviit naatsorsuutaannik suliaqartartunut naammappoq ingerlatsivimmut paasisutissat tamakkiisut saqqummiunneqarpata.

### **3.12.10. Aqutsisut suaassuseq naapertorlugu katitigaanerannik nassuiaat (naatsorsuinermit immikkoorutit C aamma D)**

Suliffiutitut angisuut naatsorsuinermit immikkoorut C-mut ilagittinneqartut aamma suliniutit naatsorsuinermit immikkoorutit D-mut ilagittinneqartut (naalagaaffiup aktianik piginnittutut suliffiutit aamma suliffiutit pappiaranik nalilinnik niuerfinni nalunaarsimasut) nassuiaasiussapput suliffiup angusimarusutaatut kisitsisit qanoq innersut suaassuseq naapertorlugu amigartumik sinniisoqartarnermut il. il., takuuk ukiumoortumik naatsorsuutit pillugit inatsit § 99 b. Aalajangersagaq piginneqatigiiffiit pillugit inatsimmi § 139 a-mut atasumik isigineqassaaq, erseqqinnerusumik eqqartorneqartumik aktianik aamma anpartinik ingerlatsiviit pillugit inatsisip (piginneqatigiiffiit pillugit inatsit) Kalaallit Nunaanni atuutilernissaanut peqqutissatut missiliummik pingaarnersuinermit immikkoortoq 3.10-mi. Aalajangersagaq taassunga assingusoq siumugassaavoq aningaasaateqarfiit inuussutissarsiutinik ingerlatsisut pillugit inatsimmi § 41-mi.

Nassuiaat saqqummiunneqassaaq aqutsisut nalunaarutaanni. Suliffiutit taamaattoq toqqarsinnaavaa nassuiat tamanut saqqummiunniarnerlugu ukiumoortumik nalunaarummut nalunaarutitut ilassutit, tamatumani innersuussutigalugu aqutsisut nalunaarutaat, imalunniit suliffiutit nittartagaani, tamatumani aqutsisut nalunaarutaannut innersuussilluni.

Suliffiutitut ingerlatsiviit naatsorsuutaannik suliaqartartunut naammappoq ingerlatsivimmut paasisutissat tamakkiisut saqqummiunneqarpata.

### **3.12.11. Pisortanut akiliuteqartarnermik nalunaarut (naatsorsuutit immikkoorutit C aamma D)**

Suliffiutitut immikkut paasisutissiinissanut piimasaqaateqartoqarpoq, taakku piiaanermik imaluunniit orpippassuarnik piiaanermik suliaqarpata, takuuk ukiumoortumik naatsorsuutit pillugit inatsit § 99 c. Suliffiutit taakku akiliuteqartarnermut tunngasunik pisortanut nalunaaruteqartartussaapput, tassunga aamma ilaatillugu nunani allani pisortatut akiliuteqartarnerit.

Piimasaqat taamaallaat suliffiutitut angisuunut naatsorsuinermit immikkoorut C-mut aammalu suliffiutitut naatsorsuinermit immikkoorut D-mut ilaasunut ilagittinneqarpoq (naalagaaffiup aktianik piginnittutut suliffiutit aamma suliffiutit pappiaranik nalilinnik niuerfinni nalunaarsimasut).

Nassuiaat saqqummiunneqassaaq aqutsisut nalunaarutaannut tapertatut. Suliffiutit taamaattoq toqqarsinnaavaa nassuiat tamanut saqqummiunniarnerlugu ukiumoortumik nalunaarummut nalunaarutitut ilassutit, tamatumani innersuussutigalugu aqutsisut nalunaarutaat, imalunniit suliffiutit nittartagaani, tamatumani aqutsisut nalunaarutaannut innersuussilluni.

Suliffiutitut ingerlatsiviit naatsorsuutaannik suliaqartartunut naammappoq ingerlatsivimmut paasisutissat tamakkiisut saqqummiunneqarpata.

### **3.12.12. Suliffiutit aqunneqarneranik nassuiaat (naatsorsuutit immikkoorut D)**

Piomasagaat atortinneqalerpoq suliffiutit pappiaranik niuerfinni nalunaarsimasut suliffiutip aqunneqarneranut nalunaarut ilannguttassagaat, tak. ukiumoortumik naatsorsuusiortarnermik inatsimmi § 107 b.

Suliffiutip aqunneqarneranik nalunaarummi siunertarinearpoq pingaartumik aktianik piginnittut suliffiup aqunneqarnerani tunngaviit piviusumik atortinneqartut pillugit pisariitsumik paasissutissarsiornermut ammaannissaat.

Nalunaarut tamanut saqqummiunneqassaaq aqutsisut nalunaarutaanni imalunniit suliffiutip nittarta-gaani aqutsisut nalunaarutaannut innersuussissut aqqutigalugu.

Naalagaaffiup aktinik piginnittutut suliffiutaanut taamattaq piomasagaataavoq aqutsisut nassuiaa-taannik ilanngussinissaq, tak. § 107 c.

### **3.12.13. Aningaasaateqarfinnut inuussutissarsiu-teqarnermik ingerlatsisunut aningaasaateqarfinnik pitsaasumik aqutsinermut malittarisassat immikkut ittut aamma aningaasaateqarfiup agguaassisarnermut politikianik nassuiaat**

Aningaasaateqarfiit inuussutissarsiutinik ingerlataqartut pillugit inatsisip nutaap kinguneranik ukiu-moortumik naatsorsuusiortarnermik inatsimmi atortinneqalerput piomasagaatit, aningaasaateqar-finnut inuussutissarsiutinik ingerlatsisunut siulersuisut aningaasaateqarfimmi aqutsineq pitsaasoq pillugu nalunaarusiussasut, tak. ukiumoortumik naatsorsuusiortarnermik inatsimmi § 77 a, aamma aningaasaateqarfiup agguaassisarnermik politikianik nalunaarut, tak. § 77 b.

Aningaasaateqarfinnik pitsaasumik aqutsinermik piomasagaammut tunuliaqut tassa aningaasaa-teqarfiit ataatsimeersuartanngimmata aqutsisut toqqartarlugit atuukkunnaarsittarlugillu. Taamaattu-mik immikkut pingaaruteqartuuvoq aningaasaateqarfiup aqunneqarnerani tamanut ammasuunissaq.

Aningaasaateqarfiup agguaassisarnermi politikianik nalunaarummi siunertarinearpoq aningaassateqarfiup agguaattagaasa tamanit paasisaqarluarfiginissaat.

Nalunaarutitut imaritinneqassapput paasissutissat tamanullu saqqummiunneqartassallutik periaatsit §§ 77 a-mi aamma 77 b-mi takuneqarsinnaasut naapertorlugit.

§§ 77 a aamma 77 b atupput aningaasaateqarfinnut inuussutissarsiutinik ingerlataqartunut, naatsor-suinermi immikkoorut B-mut ilagitinneqartuni (aningaasaateqarfiit mikisut) aamma naatsorsuinermi immikkoorut C-mut ilagitinneqartuni (aningaasaateqarfiit akunnattumik aamma angisuumik angissusillit).



### **3.13. Ingerlatsiviit naatsorsuusiortarnermut malittarisassaanni allannguutit**

Ingerlatsivinnut ingerlatsivittut naatsorsuusiornissamik pinngitsoorsinnaatitaasunut annertusissamut killigititaq immikkoortoq 3.3.-mi eqqartorneqartutulli qaffanneqarpoq.

Tassuma saniatigut ukiumoortumik naatsorsuusiortarnissamik inatsimmi ingerlatsiviit naatsorsuutaannut malittarisassat arlalitsigut allannguuteqarput.

#### **3.13.1. Ingerlatsivimmik nassuiaat nutaaq**

Ukiumoortumik naatsorsuusiortarnermik inatsimmut ilanngussaq 1, B-mi ingerlatsivinni pissutsinut tunngasuni naassuiaatit allanngortinneqarput imaalillugit piginneqatigiiffiit pillugit inatsimmi nassuiaatit assigilerlugit.

Ukiumoortumik naatsorsuusiortarnermik inatsimmi nassuiaatitulli piumasaqaataajunnarpoq suliffiutip piginnittuusup suliffiummi pigineqartumi tunuliaqquttatut pigisat pisortatigut pigissagai. Taarsiullugu pingaartinneqarpoq suliffiut piginnittuusooq suliffiummut pigineqartumut piviusumik aalajangiisuusumik sunniteqassasoq.

#### **3.13.2. Ingerlatsiviit naatsorsuusiortussanermut ikaarsaarneranni ukiunut tallimanut takussutissiami kisitsisinik sanilliussassanik piumasaqarnerup annikillisinnera**

Ukiumoortumik naatsorsuusiortarnermik inatsimmi § 101, imm. 1-imi ukiuni siuliini sisananeersunik sanilliussinnaasanik takutitassaqaarnermi suliffiutinut piginnittuusunut ingerlatsivittut naatsorsuusiornissamik suliaqarnissamik pisussaafiligaasunut piumasaqaataat annikillisinneqarpoq. Suliffiutinut piginnittuusooq siullerpaamik suliffiup naatsorsuutai saqqummiuttussangorpagit, suliffeqarfiup ukiuni siuliini 2-ni-4-nilluunniit sanilliussinnaasanik takutitassaqaarneq pinngitsoorsinnaavaa, , takuuk § 128, imm. 4.

#### **3.13.3. Suliffiummik tigusinermi ingerlatsivittut pissutsinik pilersitsineq**

Aalajangersagaqalernikuuvoq suliffiutit kattunneranni suliffiut sorleq pigisaqartuunersoq pigisaanersiorlunniit qanoq nalilerneqassanersoq, ingerlatsivik suliffiummik tigusinikkut pilersinneqarpat, tak. ukiumoortumik naatsorsuusiortarnermik inatsimmi § 122, imm. 2 nutaaq.

Pissutsini piviusuni pissutsit aallaavigineqassapput, takuneqarsinnaalerpat pigisaqalersuik kinaanersoq. Kina piginnittuunersoq annertuumik qularutigineqarpat, pisortatigut pigisaqalersooq isigineqalissaaq pigisaqalersuittut.

#### **3.13.4. Suliffiutini pigisani ikinnerussuteqartumik piginnittut**

Ingerlatsivimmi ataatsimi peqarsinnaavoq suliffiutini pigineqartuni ikinnerussuteqartumik piginnittunik.

Ukiumoortumik naatsorsuusiortarnermik inatsimmi § 118, imm. 4, imatut allanngortinneqarpoq ingerlatsiviup naatsorsuutasasa inernerini ikinnerussuteqartup piginneqataassutai isigineqartut nammeneq tunuliaquteqarnertut inissiinerit. Pissuseqataanik nammeneq pigisani ikinnerussuteqartup piginneqataassutai saqqummiunneqassapput ingerlatsiviup naatsorsuutaani nammeneq pigisat pinguutaattut, maannamutuunngitsoq pisussaaffittut.

### **3.13.5. Ingerlatsiviup naatsorsuutaani oqaaseqaateqarnissamik piunasaqaatit nutaat**

Oqaaseqaatit paasissutisiissutit ukiumoortumik naatsorsuutini saqqummiunneqartussat aamma ingerlatsiviup naatsorsuutaani saqqummiunneqartassapput, tak. ukiumoortumik naatsorsuusiortarnermik inatsimmi § 126, imm. 1.

Nutaatut ilanngunearpoq piunasaqaat – ukiumoortumik naatsorsuutinisulli – nalunaakkat immikkut ittut paasisistissutigineqartassasut, pisuusimasut pingaarutillit ukiup naatsorsuiffiup naanerata kingorna pisimasuusut, aamma aqutsisut suliffiutip iluanaarutaasa qanoq atornissaannik imalunniit amigartoorutit matussusernissaannik aalajangigassatut siunnersuutaat.

### **3.13.6. Ingerlatsiviup aqutsisuisa nalunaarutaannut piunasaqaatit nutaat**

Paasissutiissutit arlallit ukiumoortumik naatsorsuutini aqutsisut nalunaarutaanni saqqummiunneqartussat aamma saqqummiunneqassapput ingerlatsiviup aqutsisuisa nalunaarutaanni, tak. ukiumoortumik naatsorsuusiortarnermik inatsimmi §§ 128 aamma 128 a. Tamanna atuupoq ilaatigut nalunaarutini nutaani ukiumoortumik nalunaarutitut ilaatinneqartussani, s.i. inuiaqatigiinnut akisussaaneq, aqutsisunik suaassuseq naapertorlugu katiterineq, pisortanut akiliutit aamma suliffiutip aqunneqarnera.

### **3.14. Naatsorsuutini takussutissiat nutaat**

Oqimaaqatigiissitsineq aamma naatsorsuutit inernerit takussutissiarineqassapput takussutissiatut ilusilerlugit ukiumoortumik naatsorsuusiortarnermik inatsimmi takussutissiani ilanngussaq 2-misut. Takussutissiat takussutissianik nutaanik taarserneqarput naatsorsuusiortarnermi malitassiap nutaap atortuulerneratigut, immikkoortoq 2.3-mi eqqartorneqartutut.

Takussutissiat erseqqinnerusumik nalunaarpaat nalunaarsukkat sorliit saqqummitinneqassanersut oqimaaqatigiissitsinermi aamma naatsorsuutit inernerini.

## **4. Peqqutississamut allanngutitut missiliummi allanngutissatut siunnersuutit Danmarkimi malittarisassanut Kalaallit Nunaanni pissutsit malillugit naleqqiunneri**

Ukiunoorumik naatsorsuusiortarnermik inatsisip Kalaallit Nunaanni atuutsinnissaannut peqqussut atuuttoq imaqarpoq aktianik piginneqatigiiffiit inatsimmi aamma anpartinik piginneqatigiiffiit inatsimmut innersuussutinik piginneqatigiiffiit pillugit inatsisikkut atuukkunnaarsimasunik kingoraarserneqarsimasunillu. Inatsisinut tamakkununga innersuussutit taamaattumik allanngortinneqarput peqqussummut allanngutissatut missiliummi, taarsiullugu innersuussutigineqarluni piginneqatigiiffiit pillugit inatsisip peqqussutikkut Kalaallit Nunaannut atuutlernissaa, piginneqatigiiffiit pillugit inatsisip peqqussutissatut missiliutit Inatsisartunit akuersissutigineqarnissaa ilimagineqarmat, ukiumoortumik naatsorsuusiortarnermik inatsisip Kalaallit Nunaannut peqqussummut atuuttumut peqqussummut allanngutikkut missiutit pineqartup Inatsisartunut saqqummiunneqannginnerani.

Aalajangersakkani naalagaaffiup aktianik piginneqatigiiffiutaanut tunngasumut peqqussutitut allanngutitut missiliummi ilanngunearpoq piginneqatigiiffiit pillugit inatsisip Kalaallit Nunaannut atuutlernissaanik peqqussummut (missiliummi) § 351-imut innersuussuteqartoq. Immikkoortoq 2.3-mi taaneqartutut piginneqatigiiffiit pillugit inatsisip peqqussummut missiliummi § 351-imi ilanngunearpoq malittarisassanik aalajangersaanissamut

piginnaatitsissut, Namminersorlutik Oqartussat ingerlatsiviutaasa naalagaaffiup aktianik piginneqatigiiffittut malittarisassai malissagaat piginneqatigiiffiit pillugit inatsip Kalaallit Nunaannut atuutilerneranut peqqussummi aamma ukiumoortumik naatsorsuusiortarnermik inatsisip Kalaallit Nunaannut peqqusutikut atuutilernerani, inuiaqatigiinni immikut soqutigisat tamanna akuersaarpasuk. § 351-p assigaa § 2 a piginneqatigiiffiit pillugit inatsisip Kalaallit Nunaannut atuutilernissaanik peqqussummut atuuttumut. Ullumikkut aktianik piginneqatigiiffiit Namminersorlutik Oqartussanit pigineqartut *angisuut* taamaalilutik malitassaraat malittarisassat Danmarkimi aktianik piginneqatigiiffinnut atuuttut aktianik piginnittut sulffiutit pillugit inatsisip aamma ukiumoortumik naatsorsuusiortarneq pillugu inatsisip Kalaallit Nunaannut peqqusutikkut atuunnerini. Malippaa nalunaarut nr. 775 10.juli 2008 sulffiutit naalagaffimmit aktianik piginnittut pigineqartut pillugit malittarisassanik Kalaallit Nunaannut atortitsinerimi § 2 a-mi akuersissuteqarnikkut. Tamatuma erseqqinnerusumik eqqartorneranut immikkortoq 4. 6 innersuussutigineqarsinnaavoq aktianik aamma anpartinik piginneqatigiiffiit pillugit inatsisip (piginneqatigiiffiit pillugit inatsit) Kalaallit Nunaannut atortilernissaanut pingaarnersuineranut missiliuut.

### **5 Peqqusutitut allannguutip Kalaallit Nunaannut atuutilernissaa aamma ikaarsaariarnermi aalajangersakkat il.il.**

Peqqusutissatut allannguut naapertorlugu nalunaarutit arlallit atuutilersinneqassapput, tassunga ilagitillugit atuutsitsilernissaq aamma ikaarsaariarnermi aqqissuussinerit.

Taamaalilluni peqqusutissatut allanngutissatut missiliummi siunnersuutigineqarpoq allannguutip atuutilernissaa aamma tamatumunga tunngatillugit ikaarsaariarnermi aqqissuinerit nalunaarutikkut aalajangersarneqassasut. Namminersorlutik Oqartussat soorunami tamatumani akuutinneqassapput.

Peqqussummut allannguutissatut missiliummi siunnersuutigineqarpoq periarfissaassasoq peqqusutissatut allanguummut missiliuutip ilaasa piffissani assigiinngitsuni atuutsinneqalerfissaat. Taamaalilluni eqqarsaatigineqarpoq siunnersuutiginiarlugu Kalaallit Nunaanni sulffiutinut malittarisassani atuuttuni annikilliliisarnert sapinngisamik pilertortumik pequtissatut allannguutip atuut-sinneqalerneraniit. Assersuutigalugu pineqarput annertussissiliisarnernut killiliussani kukkunersuisarnermi malittarisassani annikillilerinerit, soorlu eqqaaneqartut immikkoortoq 3.1 – 3. 5-imi. Peqatigitillugu eqqarsaatigineqarpoq siunnersuutigissallugu piumasaqaattit nutaat allanngortitalu kingusinnerusukkat atuutsinneqalissasut, sulffiutit taamaalilutik piffissaqarluaqqullugit naatsorsuu-siortarnermut piumasaqaattit nutaat allanguutillu naleqqussarfiginissaannut. Pineqarput ilaatigut nalunaarutit suliarineqartartussat nutaat, s.i. sulffiup inuiaqatigiinnut akisussaanera, taanna nutaatut suliarineqartassamat sulffiutinit angisuunit naatsorsuinerimi immikkoorut C-mut ilagitinneqartunit aamma sulffiutinit naatsorsuinerimi immikkoorut D-mut ilagitinneqartunit (naalagaaffiup aktianik piginneqatigiiffii aamma sulffiutit pappiaranik nalilinnik niuerfinni nalunaarsimasut).

Malittarisassanit nutaanngitsuniit nutaanut ikaarsaariarneq piuminarsarniarlugu aammattaq peqqussummut allanngutissatut missiliummi siunnersuutigineqarpoq, nalunaarutikkut ikaarsaariarnermi aalajngersaasoqarsinnaasoq. Ikaarsaariarnermi aalajangersakkani siunertarineqartoq tassaasaaq ilaatigut peqqussummut allannguutissatut missiliummi annikillilerinerit atorsinnaanissaat pisariillisarlugi, ilaatigut sulffiutinut pisariillisarlugi ikaarsaariarneq ilaqassasoq piumasaqaatinik allannguisunillu nutaanik.

Qulaani siunnersuutigineqartukkut isumagineqarpoq peqqussutissaq immikkoortuni arlalinni kinguneqassasoq naatsorsuusiortarnermi Kalaallit Nunaanni inatsisitigut tunngavigisani pingaarutilinnik allanquineqassasoq.